

漢魏六朝正史文選卷之十四

晉書

奏議

景帝

訓天子書

又訓天子書

羊祜

讓三司表

伐吳疏

杜預

漢魏六朝正史文選卷之十四



漢書卷之六
黜陟課論

伐吳表

王渾

諫齊王之蕃書

劉頌

治道疏

刑法疏

傅玄

時政疏

荀勗

省吏議

裴頠

崇有論

劉毅

九品損政疏

庾峻

化俗疏

江統

徙戎論

摯虞

對策

劉琨

勸進表

謝都督疏

熊遠

法律奏

王導

脩學較書

肉刑議

庾亮

讓中書盟書

蔡謨

遣使設樂議

漢魏六朝正史文選卷之十四

目錄

漢魏六朝正史文選卷之十四



漢魏六朝正史文選卷之十五

晉書

雜著

阮籍

奏記蔣濟

嵇康

與山濤告絕書

無私論

孫楚

遺孫皓書

傳咸

致汝南王書

摯虞

致齊王問箋

趙至

與嵇蕃書

虞溥

招學移告

溫嶠

六帖五史文選卷之十五

移告征鎮

劉實

崇讓論

潘尼

安身論

王坦之

廢莊論

公謙論

韓伯

辯謙論

習鑿齒

廢魏論

于寶

晉紀論

劉伶

酒德頌

陸機

豪士賦序

五等論

潘岳

閒居賦序

王羲之

蘭亭序

袁宏

三國名臣頌序

漢魏六朝正史文選

漢魏六朝正史文選卷之十五

明終

晉書 奏議

顧在觀觀生

嘉興朱國材幼柱

雲間

許清胤介夫輯評

顧之萃宗之叅訂

勾章陳

裕廣生

陳 祐天生

景帝

諱師字子元宣帝長子沉毅多大畧宣帝薨議者咸云伊尹既薨伊陟嗣事天子命帝以撫軍

大將軍

輔政

○訓天子書

正元元年奏太后廢齊王迎高貴卿公立之及將大會訓于天子

夫聖王重始正本敬初古人所慎也明當大會萬衆

瞻穆穆之容公卿聽玉振之音詩云示人不佻是則

是倣易曰出其言善則千里之外應之雖禮儀周備
猶宜加之以祗恪以副四海顙顙式仰
師初不欲立髦畏之也果然幾不免于昭

大將軍

史記

卷之七

七

帝天主

世宗皇帝

世宗皇帝

世宗皇帝

世宗皇帝

景帝

又訓天子書

荆山之璞雖美。不琢不成其寶。顏冉之才雖茂。不學不弘其量。仲尼有云。予非生而知之者。好古敏以求之者也。仰觀黃軒五代之主。莫不有所稟。則顓頊受學于綠圖。高辛問道于柏招。逮至周成。旦望作輔。故能離經辯志。安道樂業。夫然故君道明于上。兆庶順于下。刑措之隆。實由于此。宜遵先王下問之義。使誦之業。屢聞于聽。典謨之言。日陳于側也。

伊傳自居儼然不疚

羊祐

字叔子泰山人。世吏二千石。九世以清德聞。秦

始初爲衛將軍都督。荆州在軍。輕裘緩帶。鈴閣之下。侍衛

不過數人。

讓三司表

加車騎將軍開府如司之儀。祐上表固讓。

臣伏聞恩詔。拔臣使同台司。臣自出身以來。適十數年。受任外內。每極顯重之任。常以智力不可頓進。恩寵不可久謬。夙夜戰悚。以榮爲憂。臣聞古人之言。德未爲人所服。而受高爵。則使才臣不進。功未爲人所歸。而荷厚祿。則使勞臣不勸。今臣身託外戚。事連運會。誠在過寵。不患見遺。而猥降發中之詔。加非次之

榮臣有何功。可以堪之。何心可以安之。身辱高位。傾覆尋至。願守先人。獎廬豈可得哉。違命誠忤天威。曲從卽復若此。蓋聞古人深于見知。大臣之節不可則止。臣雖小人。敢緣所蒙。念存斯義。今天下自服化以來。方漸八年。雖側席求賢。不遺幽賤。然臣不能推有德達有功。使聖聽知勝。臣者多未達者不少。假令有遺德于版築之下。有隱才于屠釣之間。而朝議用臣。不以爲非。臣處之。不以爲愧。所失豈不大哉。臣忝竊雖久。未若今日兼文武之極寵。等宰輔之高位也。且

臣雖所見者狹。據今光祿大夫李憺。執節高亮。在公正色。光祿大夫魯芝。絜身寡欲。和而不同。光祿大夫李胤。清亮簡素。立身在朝。皆服事華髮。以禮終始。雖歷位外內之寵。不異寒賤之家。而猶未蒙此選。臣更越之。何以塞天下之望。少益日月。是以誓心守節。無苟進之志。今道路行通。方隅多事。乞留前恩。使臣得速還屯。不爾畱連。必于外虞。有關匹夫之志。有不可奪。

禮讓如祐當時及少

風立於內之謂不異寒類之宗而體未榮也。更
李餘部。其商素立。良在博。昔鼎事華。是以甄錄故。類
五色。夫新大夫。魯芝。葉良。寒。冷。味。而不同。夫新大夫
引。類。而。見。春。郊。縣。今。夫。新。大。夫。李。嘉。持。曾。商。良。在。公。

羊祐

代吳疏

初祐以代吳必藉上流之勢因表留王濬監益州諸軍事祐繕甲訓卒廣爲戎備至是上疏

先帝順天應時西平巴蜀南和吳會海內得以休息
兆庶有樂安之心而吳復背信使邊事更興夫期運
雖天所授而功業必由人而成不一大舉掃滅則衆
役無時得安亦所以隆先帝之勲成無爲之化也故
堯有丹朱之伐舜有三苗之征咸以寧靜宇宙戢兵
和衆者也蜀平之時天下皆謂吳當并亡自此來十

三年是謂一周平定之期。復在今日矣。議者常言吳楚有道後服。無禮先疆。此乃諸侯之時耳。今當一統。不得與古同諭。夫適道之論。皆未應權。是故謀之雖多。而決之欲獨。凡以險阻得存者。謂所敵者同。力足自固。苟其輕重不齊。疆弱異勢。則智士不能謀。而險阻不可保也。蜀之爲國。非不險也。高山尋雲。霓深谷。肆無景。束馬懸車。然後得濟。皆言一夫荷戟。千人莫當。及進兵之日。曾無藩籬之限。斬將塞旗。伏尸數萬。乘勝席卷。徑至成都。漢中諸城。皆鳥棲而不敢出。非


皆無戰心。誠力不足相抗。至劉禪降服。諸營堡者。索然俱散。今江淮之難。不過劍閣。山川之險。不過岷漢。孫皓之暴。倭于劉禪。吳人之困。甚于巴蜀。而大晉兵衆。多于前世。資儲器械。盛于往時。今不于此平吳。而更阻兵相守。征夫苦役。日尋干戈。經歷盛衰。不可長久。宜當時定。以一四海。今若引梁益之兵。水陸俱下。荆楚之衆。進臨江陵。平南豫州。直指夏口。徐揚青兗。並向秣陵。鼓旆以疑之。多方以誤之。以一隅之吳。當天下之衆。勢如形散。所備皆急。巴漢奇兵。出其空虛。

一處傾壞，則上下震蕩。吳緣江爲國，無有內外東西數千里，以藩籬自持，所敵者大，無有寧息。孫皓恣情任意，與下多忌，名臣重將不復自信，是以孫秀之徒皆畏逼而至，將疑于朝，士困于野，無有保世之計。一定之心，平常之日，猶懷去就，兵臨之際，必有應者，終不能齊力致死，已可知也。其俗急速，不得持久，弓弩戟楯不如中國，唯有水戰，是其所便。一入其境，則長江非復所固，還保城池，則去長入短，而官軍懸進，人有致節之志。吳人戰于其內，有憑城之心，如此軍不

時翹可必矣

審情規勢足使昭然在目

是時則上下震傷吳錄江吳國無有內外求西
十是以難自持而敗者大無有寧息孫皓必情
不復自信是以孫皓之徒



南齊書下必矣人戰于其內有惡戰之心如此軍不

杜預

字元凱京兆人以功封當陽侯耽思經籍爲

有左傳癖

黜陟課論

受詔爲之

臣聞上古之政因循自然虛已委誠而信順之道應神感心通而天下之理得逮至淳樸漸散彰美顯惡設官分職以頒爵祿弘宣六典以詳考察然循簡明哲之輔建忠貞之司使名不得越功而獨美功不得後名而獨隱皆疇咨博詢敷納以言及至末世不能紀遠而求于密微疑諸心而信耳目疑耳目而信簡

書簡書愈繁。官方愈僞。法令滋章。巧飾彌多。昔漢之
刺史亦歲終奏事。不制算課。而清濁粗舉。魏氏考課。
卽京房之遺意。其文可謂至密。然由于累細。以違其
體。故歷代不能通也。豈若申唐堯之舊。去密就簡。則
簡而易從也。夫宜盡物理。神而明之。存乎其人。去人
而任法。則以傷理。今科舉優劣。莫若委任達官。各考
所統。在官一年以後。每歲言優者一人。爲上第。劣者
一人。爲下第。因計偕。以名聞。如此六載。主者總集。採
優。其六歲處優舉者。超用之。六歲處劣舉者。奏免之。

其優多劣少者敘用之。劣多優少者左遷之。今考課之品所對不鈞。誠有難易。若以難取優以易而否。主者固當準量輕重。微加降殺。不足復曲以法盡也已。丑詔書以考課難成。聽通薦例。薦例之理卽亦取于風聲。六年頓薦黜陟無漸。又非古者三考之意也。今每歲一考。則積優以成陟。累劣以取黜。以士君子之心相處。未有官故。六年六黜。清能六進。否例者也。監司將亦隨而彈之。若令上下公相容。過此爲清議大類。亦無取于黜陟也。

德不可企及立功立言可以庶幾其自謂也後世
考課畧倣此意已足不朽

杜預

伐吳表

預啓請伐吳之期帝報待明年
預表陳至計預月之中又上表

羊祜與朝臣多不同不先博畫而密與陛下共施此計故益令多異凡事當以利害相較今此舉十有八九利其一二止于無功耳其言破敗之形亦不可得直是計不出已功不在身各耻其前言故守之也自頃朝廷事無大小異意鋒起雖人心不同亦由恃恩不慮後難故輕相同異也昔漢宣帝議趙充國所上事效之後詰責諸議者皆叩頭而謝以塞異端也自

秋已來，討賊之形頗露。若今中止，孫皓悔而生計，或徙都武昌，更完修江南諸城，遠其居人，城不可攻，野無所掠，積大船于夏口，則明年之計，或無所及。

直是恃恩，何其深刺。恃恩故可賞，不可罰。晉武所以取亂者也。

王渾

字玄冲太原人父昶魏司空渾沉雅有器量泰始初領豫州刺史王濬降孫皓渾在濬後意甚不平頻奏濬罪時人機之

諫齊王之蕃書

渾徵拜尚書左僕射加散騎常侍會朝臣立議齊王攸當之藩

渾上書諫

伏承聖詔憲章古典進齊王攸爲上公崇其禮儀遣攸之國昔周氏建國大封諸姬以藩帝室永世作憲至于公旦武王之弟左右王事輔濟大業不使歸藩明至親義著不可遠朝故也是故周公得以聖德光弼幼主忠誠著于金縢光述文武仁聖之德攸于大

晉姬旦之親也。宜贊皇朝，與聞政事，實爲陛下腹心。
不貳之臣，且攸爲人，修潔義信，加以懿親，志存忠貞。
今陛下出攸之國，假以都督虛號，而無典戎幹方之
實，去離天朝，不預王政，傷母弟至親之體，虧友于款
篤之義，懼非陛下追述先帝文明太后待攸之宿意
也。若以攸望重于事宜出者，今以汝南王亮代攸，亮
宣皇帝子，文皇帝弟，仙駿各處方任，有內外之資，論
以後慮，亦不爲輕攸。今之國適足長異同之論，以損
仁慈之美耳。而令天下窺陛下有不崇親親之情，臣

竊爲陛下不取也。若以妃后外親，任以朝政，則有三氏傾漢之權，呂產專權之禍。若以同姓至親，則有吳楚七國逆亂之殃。歷觀古今，苟事輕重所在，無不爲害也。不可事事曲設疑防，慮方來之患者也。唯當任正道而求忠良，若以智計猜物，雖親見疑，至于疏遠者，亦何能自保乎？人懷危懼，非爲安之理。此最有國有家者之深忌也。愚以爲太子太保缺，宜留收居之，與太尉汝南王亮、衛將軍楊珧共爲保傅，幹理朝事。三人齊位，足相持正。進有輔納廣義之益，退無偏重。

相親之勢。令陛下有篤親親之恩。使攸蒙仁覆之惠。臣同國休戚。義在盡言。心之所見。不能默已。私慕魯女存國之志。敢陳愚見。觸犯天威。欲陛下事每盡善。冀萬分之助。臣而不言。誰當言者。

王氏父子氣蓋一時。觀其所言。采亦壯也。

東海王越

字元超高密王泰之次子少有令名謙虛持布衣之操

與阮瞻書

越鎮許昌以瞻爲記室參軍

禮年八歲出就外傳明始可以加師訓之責十年曰
統學明可漸先王之教也然學之所入淺體之所安
深是以閑習禮容不如式瞻儀度諷誦遺言不若親
承音旨小兒毗既無令淑之質不聞道德之風望諸
君時以閑豫周旋謏接
何以得此合道之言

劉頌字子雅廣陵人少能辨物理爲人所稱文帝辟

爲相府掾累遷議郎守廷尉

治道疏

頌左轉河內太守在郡上疏

臣聞不憚危悔之患而願獻所見者盡忠之臣也。垂
聽逆耳甘納苦言者濟世之君也。臣以期運幸遇無
諱之朝雖當抗疏陳辭汜論政體猶未悉所見指言
得失徒荷恩寵不異凡流臣竊自愧不盡忠規無以
上報謹列所見如左。臣誠未自許所言必當然要以
不隱所懷爲上報之節。若萬一足採則微臣更生之
年如皆瞽妄則國之福也。願陛下缺半日之間垂省

臣言伏惟陛下雖應天順人龍飛踐阼爲創業之主然所遇之時實是叔世何則漢末陵遲閣豎用事小人專朝君子在野政荒衆散遂以亂亡魏武帝以經畧之才撥煩理亂兼肅文教積數十年至于延康之初然後吏清下順法始大行逮至文明二帝奢淫驕縱傾殆之主也然內盛臺榭聲色之娛外當三方英豪嚴敵事成克舉少有愆違其故何也實賴前緒以濟勲業然法物政刑固已漸頽矣自嘉平之初晉祚始基逮于咸熙之末其間累年雖鈇鉞屢斷剪除凶

醜然其存者、咸蒙遭時之恩、不軌于法、秦始之初、陛下踐阼、其所服乘、皆先代功臣之胤、非其子孫、則其曾玄、古人有言、膏粱之性難正、故曰時遇叔世、當此之秋、天地之位始定、四海洗心、整綱之會也、然陛下猶以用才因宜、法寬有由、積之在素、異于漢魏之先、三祖崛起、易朝之爲、未可一旦直繩御下、誠時宜也、然至所以爲政、矯世衆務、自宜漸出、公塗、法正威斷、日遷就肅、譬由行舟、雖不橫截迅流、然俄向所趣、漸靡而往、終得其濟、積微稍著、以至于今、可以言政、而

自泰始以來、將三十年、政功美績、未稱聖旨、凡諸事業、不茂、既往、以陛下明聖、猶未及叔世之弊、以成始初之隆、傳之後世、不無慮乎、意者臣言、豈不少槩聖心、夫顧惟萬載之事、理在二端、天下大器、一安難傾、一傾難正、故慮經後世者、必精目下之政、政安遺業、使歎世賴之、若乃兼建諸侯、而樹藩屏、深根固蒂、則祚延無窮、可以比跡三代、如或當身之政、遺風餘烈、不及後嗣、雖樹親戚、而成國之制、不建、使夫後世、獨任智力、以安大業、若未盡其理、雖經異時、憂責猶追、

蕩天下、毒流生靈、光武紹起、雖封樹子弟、而不建成
國之制、祚亦不延、魏氏承之、圈閉親戚、幽囚子弟、是
以神器速傾、天命移在陛下、長短之應、禍福之徵、可
見于此、又魏氏雖正位居體、南面稱帝、然三方未賓、
正朔有所不加、實有戰國相持之勢、大晉之興、宣帝
定燕、太祖平蜀、陛下滅吳、可謂功格天地、土廣三王、
舟車所至、人迹所及、皆爲臣妾、四海大同、始于今日、
宜承大勲之藉、及陛下盛明之時、開啓土宇、使同姓
必王、建久安于萬載、垂長世于無窮、臣又聞國有任

臣則安有重臣。則亂而王制。人君立子以適。不以長。立適以長。不以賢。此事情之不可易者也。而賢明至少。不肖至衆。此固天理之常也。物類相求。感應而至。又自然也。是以闇君在位。則重臣盈朝。明后臨政。則任臣列職。夫任臣之于重臣。俱執國統而立斷者也。然成敗相反。邪正相背。其故何也。重臣假所資以樹私。任臣因所藉以盡公。盡公者。政之本也。樹私者。亂之源也。推斯言之。則泰日少。亂日多。政教漸頽。欲國之無危。不可得也。又非徒唯然而已。借令愚劣之嗣。

蒙先哲之遺緒。得中賢之佐。而樹國本。根不深。無幹
輔之固。則所謂任臣者。化而爲重臣矣。何則。國有可
傾之勢。則執權者見疑。衆疑難以自信。而甘受死亡
者。非人情故也。若乃建基既厚。藩屏彊禦。雖置幼君
赤子。而天下不懼。曩之所謂重臣者。今悉反忠而爲
任臣矣。何則。理無危勢。懷不自猜。忠誠得著。不惕于
邪故也。聖王知賢哲之不世及。故立相持之勢。以御
其臣。是以五等既列。臣無忠慢。同于竭節。以徇其上。
羣后既建。繼體賢鄙。亦均一契。等于無虞。且樹國苟

固則所任之臣得賢益理。次委中智亦足以安。何則
勢固易持故也。然則建邦苟盡其理則無向不可。是
以周室自成康以下逮至宣王宣王之後到于赧王
其間歷載朝無名臣而宗廟不隕者諸侯維持之也。
故曰爲社稷計莫若建國。夫邪正逆順者人心之所
繫服也。今之建置宜審量事勢使諸侯率義而動同
忿俱奮令其力足以維帶京邑若包藏禍心惕于邪
而起孤力無黨所蒙之藉不足獨以有爲。然齊此甚
難。陛下宜與達古今善識事勢之士深共籌之。建侯

之理。使君樂其國。臣榮其朝。各流福祚。傳之無窮。上下一心。愛國如家。視百姓如子。然後能保荷天祿。兼翼王室。今諸王裂土。皆兼于古之諸侯。而君賤其爵。臣耻其位。莫有安志。其故何也。法同郡縣。無成國之制。故也。今之建置。宜使率由舊章。一如古典。然人心繫常。不累十年。好惡未改。情願未移。臣之愚慮。以爲宜早創大制。遲迴衆望。猶在十年之外。然後能令君臣各安其位。榮其所蒙。上下相持。用成藩輔。如今之爲。適足以虧天府之藏。徒棄穀帛之資。無補鎮國衛

土之勢也。古者封建既定。各有其國。後雖王之子孫。無復尺土。此今事之必不行者也。若推親疎。轉有所廢。以有所樹。則是郡縣之職。非建國之制。今宜豫開此地。令十世之內。使親者得轉處近。十世之遠。近郊地盡。然後親疎相維。不得復如十世之內。然猶樹親有所遲。天下都滿。已彌數百千年矣。今方始封。而親疎倒施。甚非所宜。宜更大量天下土田方里之數。都更裂土分人。以王同姓。使親疎遠近。不錯其宜。然後可以永安。古者封國大者。不過土方百里。然後人數

殷衆境內必盈其力足以備充制度今雖一國周環
近將千里然力實寡不足以奉國典所遇不同故當
因時制宜以盡事適今宜令諸王國容少而軍容多
然于古典所應有者悉立其制然非急所須漸而備
之不得頓設也須車甲器械既具羣臣乃服綵章倉
廩已實乃營宮室百姓已足乃備官司境內充實乃
作禮樂唯宗廟社稷則先建之至于境內之政官人
用才自非內史國相命于天子其餘衆職及死生之
斷穀帛資實慶賞刑威非封爵者悉得專之今臣所

舉二端、蓋事之大較、其所不載、應在二端之屬者、以此爲率、今諸國本一郡之政耳、若備舊典、則官司以數事所不須、而以虛制損實力、至于慶賞刑斷、所以衛下之權、不重、則無以威衆人、而衛上、故臣之愚慮、欲令諸侯權具、國容少而軍容多、然亦終于必備、今事爲宜、周之建侯、長享其國、與王者並、遠者僅將千載、近者猶數百年、漢之諸王、傳祚暨至曾玄、人性不甚相遠、古今一揆、而短長甚違、其故何邪、立意本殊、而制不同、故也、周之封建、使國重于君、公侯之身、輕

于社稷故無道之君不免誅放敦興滅繼絕之義故
國祚不泯不免誅放則羣后思懼胤嗣必繼是無亡
國也諸侯思懼然後軌道下無亡國天子乘之理勢
自安此周室所以長在也漢之樹置君國輕重不殊
故諸王失度陷于罪戮國隨以亡不崇興滅繼絕之
序故下無固國下無固國天子居上勢孤無輔故姦
臣擅朝易傾大業今宜反漢之弊修周舊跡國君雖
或失道陷于誅絕又無子應除苟有始封支胤不問
遠近必紹其祚若無遺類則虛建之須皇子生以繼

其統然後建國無滅又班固稱諸侯失國亦猶網密
今又宜都寬其檢且建侯之理本經盛衰大制都定
班之群后著誓丹青書之玉版藏之金匱置諸宗廟
副在有司寡弱小國猶不可危豈况萬乘之主承難
傾之邦而加其上則自然永久居重固之安可謂根
深華嶽而四維之也臣之愚願陛下置天下于自安
之地寄大業于固成之勢則可以無遺憂矣今閭閻
少名士官司無高能其故何也清議不肅人不立德
行在取容故無名士下不專局又無考課吏不竭節

故無高能。無高能。則有疾。世事少名士。則後進無準。故臣思立吏課而肅清議。夫欲富貴而惡貧賤。人理然也。聖王大諳物情。知不可去。故直同公私之利。而詭其求道。使夫欲富者。必先由貧。欲貴者。必先安賤。安賤則不矜。不矜然後廉耻厲。守貧者必節欲。節欲然後操全。以此處務。乃得盡公。盡公者。富貴之徒也。爲無私者。終得其私。故公私之利同也。今欲富者不由貧。自得富。欲貴者不安賤。自得貴。公私之塗旣乖。而人情不能無私。私利不可以公得。則恒背公而橫。

務是以風節日頹。公理漸替。人士富貴。非軌道之所
得。以此爲政。小在難期。然教頹來旣久。難反一朝。又
世放都靡。營欲比肩。羣士渾然。庸行相似。不可頓肅。
甚殊黜陟也。且教不求盡善。善在抑尤。同侈之中。猶
有甚秦。使夫昧適情之樂者。損其顯榮之貴。俄在不
鮮之地。約已潔素者。蒙儉得之報。列于清官之上。二
業分流。令各有蒙。然俗放都奢。不可頓肅。故臣私慮。
願先從事于漸也。天下至大。萬事至衆。人君至少。同
于天日。故非垂聽所得周覽。是以聖王之化。執要而

已委務于下而不以事自嬰也。分職既定無所與焉。非憚日昃之勤而牽于逸豫之虞。誠以政體宜然。事勢致之也。何則。夫造創謀始。逆聞是非。以別能否。甚難察也。旣以施行。因其成敗。以分功罪。甚易識也。易識在考終。難察在造始。故人君恒居其易。則安。人臣不處其難。則亂。今陛下每精事始而畧于考終。故群吏慮事懷成敗之懼。輕飾文采以避目下之譴重。此政功所以未善也。今恒王能恒居易執要。以御其下。然後人臣功罪形于成敗之愆。無逃其誅賞。故罪不

可蔽功不可誣功不可誣則能者勸罪不可蔽則違
慢日肅此爲國之大畧也臣竊惟陛下聖心意在盡
善懼政有違故精事始以求無失又以衆官勝任者
少故不委務寧居日晏也臣之愚慮竊以爲今欲盡
善故宜考終何則精始難校故也又群官多不勝任
亦宜委務使能者得以成功不能者得以著敗敗著
可得而廢功成可得遂任然後賢能常居位以善事
闇劣不得以尸祿害政如此不已則勝任者漸多經
年小父卽羣司徧得其人矣此校才考實政之至務

也。今人主不委事仰成而與諸下共造事始則功罪難分下不專事居官不乂故能否不別何以驗之今世士人決不悉良能也又決不悉疲軟也然今欲舉一忠賢不知所賞求一負敗不知所罰及其免退自以犯法耳非不能也登進者自以累資及人間之譽耳非功實也若謂不然則當今之政未稱聖旨此其徵也陛下御今法爲政將三十年而功未日新其咎安在古人有言琴瑟不調甚者必改而更張凡臣所言誠政體之常然古今異宜所遇不同陛下縱未得

盡仰成之理都委務于下至于今事應奏御者蠲除
不急使要事得精可三分之二古者六卿分職冢宰
爲師秦漢已來九列執事丞相都總今尚書制斷諸
卿奉成于古制爲重事所不須然今未能省并可出
衆事付外寺使得專之尚書爲其都統若丞相之爲
惟立法創制死生之斷除名流徙退免大事及連度
支之事臺乃奏處其餘外官皆專斷之歲終臺閣課
功校簿而已此爲九卿造創事始斷而行之尚書書
主賞罰繩之其勢必愈考成司非而已于今親掌者

動受成于上。上之所失。不得復以罪下。歲終事功不
建。不知所責也。夫監司以法舉罪。獄官案勅。盡實法。
吏據辭守文。大較雖同。然至于施用。監司與夫法獄。
體宜小異。獄官唯實法。吏唯文。監司則欲舉大而畧
小。何則。夫細過微闕。謬妄之失。此人情之所必有。而
悉糾以法。則朝野無全人。此所謂欲理而反亂者也。
故善爲政者。綱舉而綱疏。綱舉則所羅者廣。綱疏則
小必漏。所羅者廣。則爲政不苛。此爲政之要也。而自
近世以來。爲監司者。類大綱不振。而微過必舉。微過

不足以害政舉之則微而益亂大綱不振則豪彊橫肆豪彊橫肆則百姓失職矣此錯所急而倒所務之由也今宜令有司反所常之政使天下可善化反此非難也人主不善碎密之案必責犯彊舉尤之奏當以盡公則害政之姦自然禽矣夫大姦犯政而亂兆庶之罪者類出富彊而豪富者其力足憚其貨足欲是以官長顧勢而頓筆下吏縱姦懼所司之不舉則謹密綱以羅微罪使奏劾相接狀以盡公而撓法不亮故已在其中矣非徒無益于政體清議乃由此而

益傷。古人有言曰：君子之過，如日之蝕焉。又曰：過而能改，又曰：不貳過。此數者，皆是賢人君子不能無過之言也。苟不致于害政，則皆天網之所漏，所犯在甚。秦然後王誅所必加，此舉罪淺深之大例者也。故君子得全美以善事，不善者必夷戮以警衆，此爲政誅赦之準式也。何則？所爲賢人君子，苟不能無過，小疵不可以廢其身，而輒繩以法，則愧于明時。何則？雖有所犯，輕重甚殊于士君子之心，受責不同而名不異者，故不軌之心得引名自方，以惑衆聽，因名可亂。

假力取直故清議益傷也。凡舉過彈違將以肅風論而整世教。今舉小過清議益頽。是以聖人深識人情而達政體。故其稱曰不以一眚掩大德。又曰赦小過舉賢才。又曰無求備于一人。故冕而前旒充續塞耳。意在善惡之報必取其尤。然後簡而不漏大罪必誅。法禁易全也。何則害法在犯尤。而謹按微過何異放兇豹于公路而禁鼠盜于隅隙。古人有言鈇鉞不用而刀鋸日弊。不可以爲政。此言大事緩而小事急也。時政所失少有此類。陛下宜反而求之。乃得所務也。

夫權制不可以經常、政垂不可以守安、此言攻守之術異也。百姓雖愚、望不虛生、必因時而發、有因而發、則望不可奪、事變異前、則時不可違、明聖達政、應赴之速、不及下車、故能動合事機、大得人情。昔魏武帝分離天下、使人役居戶、各在一方、既事勢所須、且意有曲爲、權假一時、以赴所務、非正典也。然逡巡至今、積年未改、百姓雖身丁其困、而私怨不生、誠以三方未悉蕩并、知時未可以求安息故也。是以甘役如歸、視險若夷、至于吳平之日、天下懷靜、而東南二方、六

州郡兵將士武吏戍守江表或給京城運漕父南子
北室家分離咸更不寧又不習水土運役勤瘁並有
死亡之患勢不可久此宜大見處分以副人望魏氏
錯役亦應改舊此二者各盡其理然黔首感恩懷德
謳吟樂生必十倍于今也自董卓作亂以至今近出
百年四海勤瘁丁難極矣六合渾并始于今日兆庶
思寧非虛望也然古今異宜所遇不同誠亦未可以
希遵在昔放息馬牛然使受百役者不出其國兵備
待事其鄉實在可爲縱復不得悉然爲之苟盡其理

可靜三分之二、吏役可不出千里之內、但如斯而已、
天下所蒙已不訾矣、政務多端、世事之未盡理者、難
徧以疏舉、振領總綱、要在三條、凡政欲靜、靜在息役、
息役在無爲、倉廩欲實、實在利農、利農在平糴、爲政
欲著信、著信在簡賢、簡賢在官久、官久非難也、連其
班級、是非才宜、不得傍轉、以終其課、則事善矣、平糴
已有成制、其未備者、可就國足、則穀積矣、無爲匪他、
却功作之勤、抑似益而損之利、如斯而已、則天下靜
矣、此三者旣舉、雖未足以厚化、然可以爲安有餘矣、

夫王者之利在生天地自然之財、農是也、所立爲指
于此事、誠有功益、苟或妨農、皆務所息、此悉似益而
損之謂也、然今天下自有事所必須、不得止已、或用
功甚少、而所濟至重、目下爲之、雖少有廢、而計終已
大益農官、有十百之利、反有妨害、在始似如未急、終
作大患、宜逆加功以塞其漸、如河汴將合、沉萊苟善、
則役不可息、諸如此類、亦不得已也、然事患緩急、權
計輕重、自非近如此類、準以爲率、乃可興爲、其餘皆
務在靜息、然能善算輕重、權審其宜、知可興可廢、甚

難了也。自非上智遠才，不幹此任。夫創業之美，勲在垂統。使夫後世蒙賴以安，其爲安也。雖昏猶明，雖愚若智。濟世功者，寔在善化之爲要。在靜國至夫修飾官署，凡諸作役，務爲恒傷。過泰不患，不舉此將來所不須。于陛下而自能者也。至于仰蒙前緒，所憑日月者，實在遺風繫人心。餘烈匡幼弱，而令勤所不須。以傷所憑。鈞此二者，何務孰急。陛下少垂恩迴慮，詳擇所安，則大理盡矣。世之私議竊比陛下于孝文，臣以爲聖德隆殺，將在乎後。不在當今。何則。陛下龍飛鳳

翔應期踐阼、有創業之勲矣、掃滅彊吳、奄征南海、又有之矣、以天子之貴、而躬行布衣之所難、孝儉之德、冠于百王、又有之矣、履宜無細、勲成軌度、又有之矣、若善當身之政、建藩屏之固、使晉代久長、後世仰瞻遺跡、校功考事、實于湯武比隆、何孝文足云、臣之此言、非臣下褒上、虛美常辭、其事實然、若所以資爲安之理、或未盡善、則恐良史書勲、不得遠盡弘美、甚可惜也。

大要三事一事封建二事理官三事息民然其意

在太子不肖欲其創制盡善憑任勢法不仗人才
議論精辨心思委微論曰遊日西京莖賈誼而非
遙可謂然乎

豈可謂然乎

竊謂辭職心思委婚餉曰茲日西京望賈而集
亦太子不肖辭其婚歸盡善愚丑嬖哉不封入室

劉頌

刑法疏

惠帝之世政出群下刑法不定獄訟繁滋時頌爲三公尚書上疏

自近世以來法漸多門令甚不一臣今備掌刑斷職思其憂謹具啓聞臣竊伏惟陛下爲政每盡善故事求曲當則例不得直盡善故法不得全何則失法者固以盡理爲法而上求盡善則諸下牽文就意以赴主之所許是以法不得全刑書徵文徵文必有垂于情聽之斷而上安于曲當故執平者因文可引則生二端是法多門令不一則吏不知所守下不知所避

姦僞者因法之多門以售其情。所欲淺深。苟斷不一。則居上者難以檢下。于是事同議異。獄犴不平。有傷于法。古人有言。人主詳其政荒。人主期其事理。詳匪他。盡善則法傷。故其政荒也。期者。輕重之當。雖不厭情。苟入于文。則偃而行之。故其事理也。夫善用法者。恐違情。不厭聽之。斷輕重。雖不允人心。經于凡覽。若不可行。法乃得直。又君行之。分各有所司。法欲必奉。故令主者平文理。有窮塞。故使大臣釋滯事。有時宜。故人主權斷。主者守文。若釋之。執犯蹕之平也。大臣

釋滯。若公孫弘斷郭解之獄也。人主權斷。若漢祖戮
丁公之爲也。天下萬事。自非斯格重爲。故不近似此
類。不得出以意妄議其餘。皆以律令從事。然後法信
于下。人聽不惑。吏不容奸。可以言政。人主執斯格以
責群下。大臣小吏。各守其局。則法一矣。古人有言。善
爲政者。看人設教。看人設教。制法之謂也。又曰。隨時
之宜。當務之謂也。然則看人隨時。在大量也。而制其
法。法軌既定。則行之。行之信如四時。執之堅如金石。
群吏豈得在成制之內。復稱隨時之宜。傍引看人設

教以亂政與哉。何則？始制之初，固已看人而隨時矣。今若設法未盡當，則宜改之。若謂已善，不得盡以爲制，而使奉用之司公得出入以差輕重也。夫人君所與天下共者，法也。已令四海不可以不信以爲教，方求天下之不悞，不可絕以不信之法。且先識有言：人至愚而不可欺也。不謂平時背法意，斷不勝百姓願也。上古議事以制，不爲刑辟。夏殷及周，書法象魏。三代之君，齊聖然哉。棄曲當之妙鑒，而任徵文之直準，非聖有殊所遇異也。今論時敦獎不及中古而執平。

者。欲適情之所安。自託于議事以制。臣竊以爲聽言則美。論理則違。然天下至大事務衆雜。時有不得悉循文如令。故臣謂宜立格爲限。使王者守文。死生以之。不敢錯思于成制之外。以差輕重。則法恒全。事無正據。名例不及。大臣論當以釋不滯。則事無閑。至如非常之斷。出法賞罰。若漢祖戮楚臣之私已。封趙氏之無功。唯人主專之。非奉職之臣所得擬議。然後情求謗請之跡。絕似是而非之奏塞。此蓋齊法之大準也。王者小吏處事無常。何則。無情則法徒克。有情則

法。積克似無私。然乃所以得其私。又恒所咀以衛其身。斷當恒克。世謂盡公。時以曲法。廼所不疑。古人若不善倚。深似公之斷。而責守文如令之奏。然後得為有檢。此又平法之一端也。夫出法權制。指施一事。獸情合聽。可適耳目。誠有臨時當意之快。勝于徵文。不允人心也。然起于經制。終年施用。恒得一而失十。故小有所得者。必大有所失。近有所漏者。必遠有所包。故諸事識體者。善權輕重。不以小害大。不以近防遠。恐曲當之近適。以全簡直之大準。不牽于凡聽之

所安。平守徵文以正例。每臨其事。恒御此心以決斷。此又法之大概也。又律法斷罪。皆當以法律令正文。若無正文。依附名例斷之。其正文名例所不及。皆勿論。法吏以上所執不同。得爲異議。如律之文。守法之官。唯常奉用律令。至于法律之內。所見不同。廼得爲異議也。今限法曹郎令史。意有不同。爲駁。唯得論釋法律。以正所斷。不得援求諸外論。隨時之宜。以明法官守局之分。

其文溪峻可以永思

易

官聖常奉用卦今至下教者多因循是及明聖

歸去東以土恆卦不同卦爲異卦時之文也

卦無五爻卦初各例論之其五爻各例論不

出爻去之大卦也又卦去初罪者初以去卦今

初爻平也卦文以五例其初其事即論此

傳玄

字休奕北地人善屬文解鍾律性剛勁亮直不能容人之短武帝爲晉王以爲散騎常侍及卽

位玄及皇甫

陶共掌諫職

時政疏

臣聞舜舉五臣無爲而化用人得其要也天下群司猥多不可不審得其人也不得其人一日則損不貲况積日乎典謨曰無曠廢官言職之不可久廢也諸有疾病滿百日不差宜令去職優其禮秩而寵存之旣差而後更用臣不廢職于朝國無曠官之累此三政之急也臣聞先王分士農工商以經國制事各一

其業而殊其務。自士已上子弟爲之立太學以敎之。選明師以訓之。各隨其才優劣而授用之。農以豐其食。工以足其器。商賈以通其貨。故雖天下之大。兆庶之衆。無有一人游手。分數之法。周備如此。漢魏不定其分。百官子弟不修經藝而務交遊。未知蒞事而坐享天祿。農工之業多廢。或逐淫利而離其事。徒繫名于太學。然不聞先王之風。今聖明之政。資始而漢魏之失。未改。散官衆而學校未設。游手多而親農者少。工器不盡其宜。臣以爲亟定其制。通計而天下若干。

人爲士、足以副在官之吏、若干人爲農、三年足有一
年之儲、若干人爲工、足其器用、若干人爲商賈、足以
通貨而已、尊儒尚學、貴農賤商、此皆事業之要務也。
前皇甫陶上事、欲令賜拜散官、皆課使親耕、天下享
足食之利、禹稷躬稼、祚流後世、是以明堂月令、著帝
籍之制、伊尹、古之名臣、耕于有莘、晏嬰、齊之大夫、避
莊公之難、亦耕于海濱、昔者聖帝明王、賢佐俊士、皆
當從事于農矣、王人賜官、冗散無事者、不督使學、則
當使耕、無緣放之、使坐食、百姓也、今文武之官、旣衆、

而拜賜不在職者。又多加以服役爲兵。不得耕稼。當農者之半。南面食祿者。參倍于前。使冗散之官。農而收其租稅。家得其實。而天下之穀。可以無乏矣。夫家足食。爲子則孝。爲父則慈。爲兄則友。爲弟則悌。天下足食。則仁義之教。可不令而行也。爲政之要。計人而置官。分人而授事。士農工農之分。不可斯須廢也。若未能精其防制。計天下文武之官。足爲副貳者。使學其餘。皆歸之于農。若百工商賈有長者。亦皆歸之于農。務農若此。何有不贍乎。虞書曰。三載考績。三考黜

陽明是爲九年之後。乃有遷敘也。故居官久。則念
立慎終之化。居不見久。則競爲一切之政。六年之限。
日月淺近。不周黜陟陶之所上。義合古制。夫儒學者。
王教之首也。尊其道。貴其業。重其選。猶恐化之不崇。
忽而不以爲急。臣懼日有陵逢而不覺也。仲尼有言。
人能弘道。非道弘人。然則尊其道者。非惟尊其書而
已。尊其人之謂也。貴其業者。不妄教。非其人也。重其
選者。不妄用。非其人也。若此而學校之綱舉矣。

時政寬弛。獨爲訂切。每有白簡捧坐待旦。于是貴

五

三

荀勗

字公曾，潁川人。十餘歲能屬文。武帝受禪，拜中書監，加侍中。

省吏議

時議省州郡縣半吏以赴農功勗議

省吏不如省官。省官不如省事。省事不如清心。昔蕭

曹相漢載其清靜致畫一之歌。此清心之本也。漢文垂拱幾致刑著。此省事也。光武并合吏員縣官國邑裁置十一。此省官也。魏太和中遣王人四出減天下吏員。正始中亦并合郡縣。此省吏也。今必欲求之于本。則宜以省事爲先。凡居位者使務思蕭曹之心。以翼佐大化篤義行。崇敦睦。使昧寵忘本者不得容而

晉書

議

偽行自息。浮華者懼矣。重敬讓。尚止足。令賤不妨貴。少不陵長。遠不間親。新不間舊。小不加大。淫不破義。則上下相安。遠近相信矣。位不可以進趣得。譽不可以朋黨求。則是非不妄而明。官人不惑于聽矣。去奇技抑異說。好變舊以徼非常之利者。必加其誅。則官業有常。人心不遷矣。事畱則政稽。政稽則功廢。處位者而孜孜不怠。奉職司者而夙夜不懈。則雖在挈瓶而守不假器矣。使信若金石。小失不害大政。忍忿捐以容之。簡文案。畧細苛。令之所施。必使人易視聽。願

之如陽春畏之如雷震。勿使微文煩撓。爲百吏所黷。二三之命。爲百姓所饜。則吏竭其誠。下悅上命矣。設官分職。委事責成。君子心競而不力爭。量能受任。思不出位。則官無異業。政典不奸矣。凡此皆愚所謂省事之本也。苟無此愆。雖不省吏。天下必謂之省矣。若欲省官私。謂九寺可并于尚書。蘭臺宜省付三府。然施行歷代。世之所習。是以久抱愚懷。而不敢言。至于省事。實以爲善。若直作大例。皆減其半。恐文武衆官。郡國職業。及事之興廢。不得皆同。凡發號施令。典而

當則安、儻有駁者、或致壅否、凡職所臨履、先精其得失、使忠信之官、明察之長、各裁其中、先條上言之、然後混齊大體、詳宜所省、則令下必行、不可搖動、如其不爾、恐適惑人聽、比前行所省、皆須吏輒復、或激而滋繁、亦不可不重。

勗在當時多所建白、然探伺人主不肯犯顏贊立、凶后卒以敗、晉佐命之勲、亡國之罪、一身兼之矣。

裴頠

字逸民，秀子弘雅，有遠識。賈充卽頠從母夫也。旦夕勸說從母戒諭賈后，親待太子趙王，儉廢

賈后，遂誅之。年三十四。

崇有論

頠深患時俗放蕩，不遵禮法，乃著崇有論，以釋其蔽。王衍之徒，攻難交至，而

莫能

屈

天總混羣本，宗極之道也。方以族異，庶類之品也。形象著分，有生之體也。化感錯綜，理迹之原也。大品而爲族，則所稟者偏，偏無自足，故憑乎外資，是以生而可尋，所謂理也。理之所體，所謂有也。有之所須，所謂資也。資有攸合，所謂宜也。擇乎厥宜，所謂情也。識智

既授雖出處異業默語殊塗所以寶生存宜其情一也衆理並而無害故貴賤形焉失得由乎所接故吉凶兆焉是以賢人君子知欲不可絕而交物有會觀乎徃復稽中定務惟夫用天之道分地之利躬其力任勞而後饗居以仁順守以恭儉率以忠信行以敬讓志無盈求事無過用乃可濟乎故大建厥極綏理羣生訓物垂範于是乎在斯則聖人爲政之由也若乃淫杭陵肆則危害萌矣故欲行則速患情佚則怨博擅恣則興攻專利則延寇可謂以厚生而失生者

也。悠悠之徒。駭乎若茲之釁。而尋艱爭所緣。察夫偏質有弊。而覩簡損之善。遂闡貴無之議。而建賤有之論。賤有則必外形。外形則必遺制。遺制則必忽防。忽防則必忘禮。禮制弗存。則無以爲政矣。衆之從土。猶水之居器也。故兆庶之情。信于所習。習則心服。其業業服。則謂之理。然是以君人必慎所教。班其政。形一切之務。分宅百姓。各授四職。能令稟命之者。不肅而安。忽然忘異。莫有遷志。況于據在三之尊。懷所隆之情。敦以爲訓者哉。斯乃昏明所階。不可不審。夫盈欲

可損而未可絕有也。過用可節而未可謂無貴也。蓋有講言之具者。深列有形之故。盛稱空無之美。形器之故有徵。空無之義難檢。辯巧之文可悅。似象之言足惑。衆聽眩焉。溺其成說。雖頗有異此心者。辭不獲濟。屈于所狎。因謂虛無之理。誠不可蓋。唱而有和。多往弗反。遂薄綜世之務。賤功烈之用。高浮游之業。埤經實之賢。人情所殉。篤夫名利于是。文者衍其辭。訥者讚其旨。染其衆也。是以立言藉其虛無。謂之玄妙。處官不親所司。謂之雅遠。奉身散其廉操。謂之曠達。

故砥礪之風。彌以陵遲。放者因斯。或倖吉凶之禮。而忽容止之表。瀆棄長幼之序。混漫貴賤之級。其甚者。至于課程言笑。忘宜以不惜。爲弘士行。又虧矣。老子既著五千之文。表塘穢雜之弊。甄舉靜一之義。以令人釋然自夷。合于易之損謙艮節之旨。而靜一守本。無虛無之謂也。損艮之屬。蓋君子之一道。非易之所以爲體。守本無也。觀老子之書。雖博有所經。而云有生于無。以虛爲主。偏立一家之辭。豈有以而然哉。人之既生。以保生爲全。全之所階。以順感爲務。若昧

近以虧業則沉業之變興。懷末以忘本則天理之真減。故動之所交存忘之會也。夫于有非有于無非無于無非無于有非有是以申縱播之累而著貴無之文。將以絕所非之盈謬存大善之中節收流遁于既過反澄正于胸懷宜其以無爲辭而旨在全有故其辭曰以爲文不足若斯則是所寄之塗一方之言也。若謂至理信以無爲適則偏而害當矣。先賢達識以非所滯示之深論。惟班固著難未足折其情。孫卿揚雄大體抑之猶偏有所許而虛無之言日以廣衍衆

家扇起各到其說上及造化下被萬事莫不貴無所
存貪同情以衆固乃號凡有之理皆義之埤者薄而
鄙焉辯論人倫及經明之業遂易門肆顧用斐然由
其所懷而攻者盈集或以爲一時口言有客幸過咸
見命著文槌列虛無不允之徵若未能每事釋正則
無家之義弗可奪也顧退而思之雖君子宅情無求
于顯及其立言在乎達旨而已然去聖久遠異同紛
糾苟少有彷彿可以崇濟先典扶明大業有益于時
則唯患言之不能焉得靜默及未舉一隅畧示所存

而已哉。夫至無者無以能生。故始生者自生也。自生而必體有則有遺而生輪矣。生以有爲已分。則虛無是有之所謂遺者也。故養旣化之有。非無用之所能全也。理旣有之衆。非無爲之所能循也。心非事也。而制事必由于心。然不可以制事以非事。謂心爲無也。匠非器也。而制器必須于匠。然不可以制器以非器。謂匠非有也。是以欲收重泉之鱗。非偃息之所能獲也。隕高墉之禽。非靜拱之所能捷也。審投弦餌之用。非無知之所能覽也。由此而觀。濟有者皆有也。虛無

奚益于已有之群生哉

道德之旨與大易同乃過于何王諸人

其壽之昔與大易同以顯于師王前八

矣益于日南之親主若

劉毅

字仲雄東萊人有孝行厲清節好臧否人物王公貴人望風憚之

九品損政疏

毅以魏立九品權時之制未見得人而有八損乃上疏

臣聞立政者以官才爲本官才有三難而興替之所由也。人物難知。一也。愛憎難防。二也。情僞難明。三也。今立中正定九品。高下任意榮辱在手操人主之威福。奪天朝之權勢。愛憎決于心。情僞由于已。公無考校之負。私無告訐之忌。用心百態。求者萬端。廉讓之風滅。苟且之俗成。天下訥訥但爭品位。不聞推讓。竊爲聖朝耻之。夫名狀以當才。爲清品輩以得實。爲平

安危之要不可不明。清平者政化之美也。枉濫者亂敗之惡也。不可不察。然人才異能。備體者寡。器有大小。達有早晚。前鄙後修。宜受日新之報。抱正違時。宜有質直之稱。度遠闕小。宜得殊俗之狀。任直不飾。宜得清實之譽。行寡才優。宜獲器任之用。是以三仁殊塗而同歸。四子異行而均義。陳平韓信笑侮于邑里。而收功于帝王。屈原伍胥不容于人主。而顯名于竹帛。是篤論之所明也。今之中正。不精才實。務依黨利。不均稱尺。務隨愛憎。所欲與者。獲虛以成譽。所欲下

者吹毛以求疵。高下逐強弱。是非由愛憎。隨世興衰。不顧才實。衰則削下。興則扶上。一人之身。旬日異狀。或以貨賂自通。或以計協登進。附託者必達。守道者困悴。無報于身。必見割奪。有私于已。必得其欲。是以上品無寒門。下品無勢族。暨時有之。皆曲有故。慢主罔時。實爲亂源。損政之道一也。置州都者。取州里清議。咸所歸服。將以鎮異同。一言議。不謂一人之身。了一州之才。一人不審便坐之。若然。自仲尼以上。至于庖犧。莫不有失。則皆不堪。何獨責于中人者哉。若殊

不修、自可更選。今重其任而輕其人，所立品格，還訪刁攸。攸非州里之所歸，非職分之所置。今訪之歸正于所不服，決事于所不職，以長讒構之源，以生乖爭之兆。似非立都之本旨。理俗之深訪也。王者旣善刁攸，攸之所下，而復選以二千石，已有數人。劉良上攸之所下，石公遂攸之所行。駁違之論，橫于州里。嫌讐之際，結于大臣。夫桑妾之訟，禍及吳楚。鬪鷄之變，難與魯邦。况乃人倫交爭，而部黨興。刑獄滋生，而禍根結。損政之道二也。本立格之體，將謂人倫有序，若貫

魚成次也。爲九品者。取下者爲格。謂才德有優劣。倫
輩有首尾。今之中正務自遠者。則抑割一國。使無上
人。穢劣下比。則拔舉非次。并容其身。公以爲格。坐成
其私。君子無小人之怨。官政無繩姦之防。使得上欺
明主。下亂人倫。乃使優劣易地。首尾倒錯。推貴異之
器。使在凡品之下。負戴不肖。越在成人之首。損政之
道三也。陛下踐阼。開天地之德。弘不諱之詔。納忠直
之言。以覽天下之情。太平之基。不世之法也。然賞罰
自王公以至于庶人。無不加法。置中正委以一國之

重。無賞罰之防。人心多故。清平者寡。故怨訟者衆。聽之。則告訐無已。禁絕。則侵枉無極。與其理訟之煩。猶意侵枉之害。今禁訟訴。則杜一國之口。培一人之勢。使得縱橫。無所顧憚。諸受枉者。抱怨積直。獨不蒙天地無私之德。而長壅蔽于邪人之銓。使上明不下照。下情不上聞。損政之道四也。昔在前聖之世。欲敦風俗。鎮靜百姓。隆鄉黨之義。崇六親之行。禮教庠序。以相率。賢不肖于是見矣。然鄉老書其善以獻天子。司馬論其能以官于職。有司考績以明黜陟。故天下之

人退而修本。州黨有德義。朝廷有公正。浮華邪佞。無所容厝。今一國之士多者千數。或流徙異邦。或取給殊方。面猶不識。况盡其才力。而中正知與不知。其當品狀。采譽于臺府。納毀于流言。任已則有不識之蔽。聽受則有彼此之偏。所知者。以愛憎奪其平。所不知者。以人事亂其度。旣無鄉老紀行之譽。又非朝廷考績之課。遂使進官之人。棄近求遠。背本逐末。位以求成。不由行立。品不校功。黨譽虛妄。損政五也。凡所以立品設狀者。求人才以理物也。非虛飾名譽。相爲好


醜雖孝悌之行。不施朝廷。故門外之事。以義斷恩。旣以在官。職有大小。事有劇易。各有功報。此人才之實效。功分之所得也。今則反之。于限當報。雖職之高。還附卑品。無績于官。而獲高敘。是爲抑功實而隆虛名也。上奪天朝考績之分。下長浮華朋黨之士。損政六也。凡官不同事。人不同能。得其能則成。失其能則敗。今品不狀才能之所宜。而以九等爲例。以品取人。或非才能之所長。以狀取人。則爲本品之所限。若狀得其實。猶品狀相妨。繫繫選舉。使不得精于才宜。况今

九品所疎則削其長。所親則飾其短。徒結白論。以爲虛譽。則品不料能。百揆何以得理。萬幾何以得修。損政七也。前九品詔書。善惡必書。以爲褒貶。當時天下少有所忌。今之九品。所下不彰其罪。所上不列其善。廢褒貶之義。任愛憎之斷。清濁同流。以植其私。故反違前品。大其形勢。以驅動衆人。使必歸已。進者無功。以表勸。退者無惡。以成懲。懲勸不明。則風俗汙濁。天下人焉得不解德行而銳人事。損政八也。由此論之。選中政而非其人。授權勢而無賞罰。或缺中正而無

禁檢。故邪黨得肆。枉濫從橫。雖職名中正。實爲茲府。事名九品。而有八損。或恨結于親親。猜生于骨肉。當身困于敵讐。子孫離其祖咎。斯乃歷世之患。非徒當今之害也。是以時主觀時立法。防姦消亂。靡有常制。故周因于殷。有所損益。至于中正九品。上聖古賢。皆所不爲。豈蔽于此事。而有不周哉。將以政化之宜。無取于此也。自魏立以來。未見其得人之功。而生讐薄之累。毀風敗俗。無益于化。古今之失。莫大于此。愚臣以爲宜罷中正。除九品。棄魏氏之弊法。立一代之美。

制、

枉曲之狀毀譽之情豈惟當日謂爲曲盡殆將百
世不易矣



庾峻

字山甫潁川人歷郡功曹爲博士武帝賤祚賜爵閔中侯加諫議大夫常侍

化俗䟽

是風俗趣競禮讓陵遲峻上䟽

臣聞黎庶之性人衆而賢寡設官分職則官寡而賢衆爲農衆而多官則妨化以無官而棄賢則廢道是故聖王之御世也因人之性或出或處故有朝廷之士又有山林之士朝廷之士佐主成化猶人之有股肱心膂共爲一體也山林之士被褐懷玉太上棲于丘園高節出于衆庶其次輕爵服遠耻辱以全名最下就列位惟無功而能知止彼其清劭足以抑貪汙

退讓足以息鄙事。故在朝之士聞其風而悅之。將受爵者皆耻躬之不逮。斯山林之士避寵之臣。所以爲美也。先王嘉之。節雖離世而德合于主。行雖詭朝而功同于政。故大者有玉帛之命。其次有几杖之禮。以厚德載物。出處有地。旣廊廟多賢才。而野人亦不失爲君子。此先王之弘也。秦塞斯路。利出一官。唯有處士之名。而無爵列于朝者。商君謂之六竭。韓非謂之五蠹。時不知德。惟爵是聞。故閭閻以公乘侮其鄉人。郎中以上爵傲其父兄。漢祖反之。大暢斯否。任蕭曹

以天下重四皓于南山。以張良之勲。而班有叔孫之
後。蓋公之賤。而曹相諮之以政。帝王貴德于上。俗亦
反本于下。故田叔等十人。漢廷臣無能出其右者。而
未嘗干祿于時。以釋之之貴。結王生之襪于朝。而其
名愈重。自非主臣尚德兼愛。孰能通天下之志如此
其大者乎。夫不革百王之弊。徒務救世之政。文士競
智而務入武。夫恃力而爭先。官高矣。而意未滿。功報
矣。其求不已。又國無隨才任官之制。俗無難進易退
之耻。位一高。雖無功而不見下。已負敗而後見用。故

因前而升。則處士之路塞矣。又仕者黜陟無章。是以
普天之下。先進而後讓。舉世之士。有進而無退。大人
溺于動俗。執政撓于羣言。衡石爲之失平。清濁安可
復分。昔者先王。患向之所以取天下者。今之爲弊。是
故功成必改其物。業定必易其教。雖以爵祿使下。臣
無貪陵之行。雖以甲兵定功。主無窮武之悔也。臣愚
以爲古者大夫七十懸車。今自非元功國老。三司上
才。可聽七十致仕。則士無懷祿之嫌矣。其父母八十。
可聽終養。則孝莫大于事親矣。吏歷試無績。依古終

身不仕則官無社政矣。能小而不能大。可降還蒞小。則使人以器矣。人主進人以禮。退人以禮。人臣亦量能受爵矣。其有孝如王陽、臨九折而去官、潔如貢禹、冠一兔而不著、及知止如王孫、知足如疎廣、雖去列位而居東野。與人父言依于慈。與人子言依于孝。此其出言合于國檢。危行彰于本朝。去勢如脫屣。路人爲之隕涕。辭寵如金石。庸夫爲之興行。是故先王許之。而聖人貴之。夫人之性陵上、猶水之趣下也。益而不已。必決。升而不已。必困。始于匹夫行義不敦。終于

皇輿爲之敗績。固不可不慎也。下人并心進趣。上宜以退讓去其甚者。退讓不可以刑罰使。莫若聽朝士時時從志。山林往往間出。無使入者不能復出。往者不能復反。然後出處交泰。提衡而立。時靡有爭。天下可得而化矣。

晉初功臣皆魏賊子。賞賊不得不厚。賞厚不能無爭。風俗囂頑。有自來矣。雖欲革之。其將能乎。

江統

字應元陳畱人統靜默有遠志時人語曰嶷然稀言江應元

徙戎論


時閹隴屢爲斥羗所擾統深維四夷亂華宜杜其萌乃作徙戎論帝不能用


夫夷蠻戎狄謂之四海、九服之制、地在要荒、春秋之義、內諸夏而外夷狄、以其言語不通、贊弊不同、法俗詭異、種類乖殊、或居絕域之外、山河之表、崎嶇川谷、阻險之地、與中國壤斷土隔、不相侵涉、賦役不及、正朔不加、故曰天子有道、守在四夷、禹平九土、而西戎卽敘、其性氣貪婪、凶悍不仁、四夷之中、戎狄爲甚、弱則畏服、彊則侵叛、雖有賢聖之世、大德之君、咸未能

以通化率導而以恩德柔懷也。當其疆也。以殷之高宗而憊于鬼方。有周文王而患昆夷獫狁。高祖困于白登。孝文軍于霸上。及其弱也。周公來九譯之貢。中宗納單于之朝。以元成之微。而猶四夷賓服。此其已然之效也。故匈奴求守邊塞。而侯應陳其不可單于屈膝未央。望之議以不臣。是以有道之君。牧夷狄也。惟以待之有備。禦之有常。雖稽顙執贄。而邊城不弛。固守爲寇賊疆暴。而兵甲不加遠征。期令境內獲安。疆場不侵而已。及至周室失統。諸侯專征。以大兼小。

轉相殘滅、封疆不固、而利害異心、戎狄乘間得入中國、或招誘安撫、以爲已用、故申繒之禍、顛覆宗周、襄公要秦、遽興姜戎、當春秋時、義渠大荔、居秦晉之域、陸渾陰戎、處伊洛之間、鄭瞞之屬、害及濟東、侵入齊宋、陵虐刑衛、南夷與北狄交侵、中國不絕、若綫、齊桓攘之、存亡繼絕、北伐山戎、以開燕路、故仲尼稱管仲之力、加左衽之功、逮至春秋之末、戰國方盛、楚吞蠻氏、晉翦陸渾、趙武胡服、開榆中之地、秦雄咸陽、滅義渠之等、始皇之并天下也、南兼百越、北走匈奴、五嶺

長城、戎卒億計。雖師役煩殷，寇賊橫暴，然一世之功。戎虜奔却。當時中國無復四夷也。漢興而都長安，關中之郡號曰三輔。禹貢雍州，宗周豐鎬之舊也。及至王莽之敗，赤眉因之，西都荒毀，百姓流亡。建武中以馬援領隴西太守，討叛羌，徙其餘種于關中，居馮翊河東空地，而與華人雜處。數歲之後，族類蕃息，旣恃其肥疆，且苦漢人侵之。永初之元，騎都尉王弘使西域，發調羌氏以爲行衛。于是群羌奔駭，互相扇動。二州之戎一時俱發，覆沒將守，屠破城邑。鄧騭之征，棄





徒自猜之寇以無穀之人遷乏食之虜恐勢盡力屈
緒業不卒羗戎離散心不可一前害未及弭而後變
復橫出矣答曰羗戎狡猾擅相號署攻城野戰傷害
牧守連兵聚衆載離寒暑矣而今異類瓦解同種土
崩老幼繫虜丁壯降散禽離獸迸不能相一子以此
等爲尚挾餘資悔惡反善懷我德惠而來柔附乎將
勢窮道盡智力俱困懼我兵誅以至于此乎曰無有
餘力勢窮道盡故也然則我能制其短長之命而令
其進退由已矣夫樂其業者不易事安其居者無遷

志方其自疑危懼。畏怖促遽。故可制以兵威。使之左右無違也。迨其死亡散流。離邊未暢。與關中之人。戶皆爲讐。故可遐遷遠處。令其心不懷土也。夫聖賢之謀事也。爲之于未有。理之于未亂。道不著而平。德不顯而成。其次則能轉禍爲福。因敗爲功。值困必濟。遇否能通。今子遭災事之終。而不圖更制之始。愛易輟之勤。而得覆車之軌。何哉。且關中之人。百餘萬口。率其少多。戎狄居半。處之于遷。必須口實。若有窮乏。糝粒不繼者。故當傾關中之穀。以全其生生之計。必無

擠于溝壑而不爲侵掠之害也。今我遷之。博食而至。附其種族。自使相贍。而秦地之人。得其半穀。此爲濟行者以廩糧。遺居者以積倉。寬關中之逼。去盜賊之原。除旦夕之損。建中年之益。若憚艷舉之小勞。而忘永逸之弘策。惜日月之煩苦。而遺累世之寇敵。非所謂能開物成務。創業垂統。崇基拓跡。謀及子孫者也。并州之胡。本實匈奴。桀惡之寇也。漢宣之世。凍餒殘破。國內五裂。後合爲二。呼韓邪遂衰弱。孤危不能自存。依阻塞下。委質柔服。建武中。南單于復來降附。遂

令入塞居于漠南數世之後亦輒叛良故何熙梁觀
戎車屢征中平中以黃巾賊起發調其兵部衆不從
而殺羗渠由是于彌扶羅求助于漢以討其賊仍值
世喪亂遂乘釁而作鹵掠趙魏寇至河南建安中又
使右賢王去卑誘質呼厨泉聽其部落散居六郡咸
熙之際以一部太疆分爲三率泰始之初又增爲四
于是劉猛內叛連結外虜近者郝散之變發于轅遠
今五部之衆戶至數萬人口之盛過于西戎然其天
性驍勇弓馬便利倍于氏羌若有不虞風塵之慮則

并州之域可爲寒心榮陽句驪本居遼東塞外正始
中山州刺史母丘儉伐其叛者徙其餘種始徙之時
戶落百數子孫孳息今以千計數世之後必至殷熾
今百姓失職猶或亡叛亡一肥克則有噬齧况于夷
狄能不爲變但顧其微弱勢力不陳耳夫爲邦者患
不在貧而在不均憂不在寡而在不安以四海之廣
士庶之富豈須夷虜在內然後取足哉此等皆可申
諭發遣還其本域慰彼羈旅懷土之恩釋我華夏緘
介之憂惠此中國以綏四方德施永世于計爲長

春秋夷狄之禍皆諸侯專征招誘安撫私爲已用
以受其亂他書未及前此杜元凱功遂亡吳後此
此張茂先救過淫后智不及此此一出統下何足
言也

學虞

字仲洽京兆人少事皇甫謐才學通博著述不勌

賢良對策

武帝詔諸賢良方正會東堂策問虞對

臣聞古之聖明原始以要終體本以正末故憂法度
之不當而不憂人物之失所憂人物之失所而不憂
災害之流行誠以法得於此則物理于彼人和于下
則災消于上其有日月之青水旱之災則反聽內視
求其所由遠考諸物近驗諸身耳目聽察豈或有蔽
其聰明者乎動心出令豈或有傾其常正者乎大官
大職豈或有授非其人者乎賞罰黜陟豈或有不得

其所者乎。河濱山巖。豈或有懷道釣築而不感于夢
兆者乎。方外遐裔。豈或有命世傑出而未蒙膏澤者
乎。推此類也。以求其故。詢事考言。以盡其實。則天人
之情。可得而見。咎徵之至。可得而救也。若推之于物
則無忤。求之于身則無尤。萬物理順。內外咸宜。祝史
正辭。言不負誠。而日月失行。天癘不戒。此則陰陽之
事。非吉凶所在也。期運度數。自然之分。固非人事所
能供禦。其亦振廩散滯。貶食省用而已矣。是故誠遇
期運。則雖陶唐殷湯。有所不變。苟非期運。則宋衛之

君諸侯之相猶能有感。唯陛下審其所由。以盡其理。則天下幸甚。臣生長簞門。不逮異物。雖有賢才。所未接識。不敢瞽言妄舉。無疇答聖問。

漢儒傳會超然脫盡。晉世對策文華不顯。此殆優尚矣。

出矣

數謝輟會跡然則盡晉世策文華不關其數

并弗不煩晉言矣舉無謝答明問之

使天下幸甚且至身軀門不與異世雖亦資本而末

則其之味餘猶亦無望不審其後由以盡其生

劉琨

勸進表

建武元年并州刺史廣武侯劉琨等一百八十人上書勸進表

臣聞天生蒸民，樹之以君，所以對越天地，司牧黎元。聖帝明主，監其若此，知天地不可以乏饗，故屈其身以奉之。知蒸黎不可以無主，故不得已而臨之。社稷時難，則戚藩定其傾；郊廟或替，則宗哲纂其祀。是以弘振遐風，式固萬世。三五以降，靡不由之。伏惟高祖宣皇帝，肇基景命，世主武皇帝，遂造區夏，三葉重光。四聖繼軌，惠澤侔于有虞。卜世過于周氏。自元康以

來艱難繁興、永嘉之際、氛厲彌昏、宸極失御、登遐醜
裔、國家之危、有若綴旒、賴先后之德、宗廟之靈、皇帝
嗣建、舊物克甄、誕授欽明、服膺聰哲、玉質幼彰、金聲
夙振、冢宰攝其綱、百辟輔其政、四海想中興之美、羣
生懷來蘇之望、不圖天不悔禍、大災荐臻、國未忘難、
寇害尋興、逆胡劉曜、縱逸西都、敢肆犬羊、陵虐天邑、
臣奉表使還、乃承西朝、以去年十一月不守、王上幽
劫、復沉虜庭、神器流離、再辱荒逆、臣每覽史籍、觀之
前載、厄運之極、古今未有、苟在食土之毛、含血之類、

莫不叩心絕氣行號巷哭。况臣等荷寵三世位。廁鼎司。聞問震惶。精爽飛越。且驚且惋。五情無主。舉哀朔垂上下泣血。臣聞昏明迭用。否泰相濟。天命無改。歷數有歸。或多難以固邦國。或殷憂以啓聖明。是以齊有無知之禍。而小白爲五伯之長。晉有麗姬之難。而重耳以主諸侯之盟。社稷靡安。必將有以扶其危。黔首幾絕。必將有以繼其緒。伏惟陛下。玄德通于神明。聖姿合于兩儀。應命世之期。紹千載之運。符瑞之表。天人有徵。中興之兆。圖讖垂典。自京畿隕喪。九服崩。

離。天下囂然。無所歸懷。雖有夏之邁夷。羿宗姬之離
犬戎。蔑以過之。陛下撫征江左。奄有舊吳。柔服以德。
伐叛以刑。抗明威以攝不類。杖大順以號宇內。純化
既敷。則率土宅心。義風旣暢。則遐方企踵。百揆時敘。
于上。四門穆穆于下。昔少康之隆。夏訓以爲美談。宣
王中興。周詩以爲休詠。况茂勲格于皇天。清暉光于
四海。蒼生頤然。莫不欣戴。聲教所加。願爲臣妾者哉。
且宣皇之胤。惟有陛下。億兆攸歸。曾無與二。天祚大
晉。必將有主。主晉祀者。非陛下而誰。是以邇無異言。

遠無異望。謳歌者無不吟諷。徽猷獄訟者無不思于
聖德。天地之際。旣交華夷之情。允洽一角之獸。連理
之木。以爲休徵者。蓋有百數。冠帶之倫。要荒之衆。不
謀同辭者。動以萬計。是以臣等敢考天地之心。因函
夏之趣。昧死上尊號。願陛下存舜禹至公之情。狹由
巢抗矯之節。以社稷爲務。不以小行爲先。以黔首爲
憂。不以克讓爲事。上慰宗廟。乃顧之懷。下釋普天傾
首之勤。則所謂生繁華于枯槁。育豐肌于朽骨。神人
獲安。無不幸甚。臣聞尊位不可久虛。萬機不可久曠。

虛之一日。則尊位以殆。曠之浹辰。則萬機以亂。方今
踵百王之季。當陽九之會。狡寇窺窬。伺國瑕隙。黎元
波蕩。無所繫心。安可廢而不恤哉。陛下雖欲逡巡其
若。宗廟何其若百姓何。昔者惠公虜秦。晉國震駭。呂
卻之謀。欲立子圉。外以絕敵人之志。內以固闔境之
情。故曰喪君有君。羣臣輯睦。好我者勸。惡我者思。前
事之不忘。後代之元龜也。陛下明並日月。無幽不燭。
深謀遠猷。出自胸懷。不勝犬馬憂國之情。遲覩人神
開泰之路。自以陳其乃誠。布之執事。臣等忝于方任。

久在遐外。不得陪列闕庭。與覩盛禮。踴躍之懷。南望
同極。

劉并州聞難。勸進援筆作表文。不加綴流涕遣行。
有此義烈。稱此才氣。

新之思也。此亦海外之思也。人思之。所以開境之

心。而泰然於此。本亦

既。其狀。則雖博。其對。筆。非。表。文。不。以。絲。而。斷。也。子

思。其。狀。則雖博。其對。筆。非。表。文。不。以。絲。而。斷。也。子

思。其。狀。則雖博。其對。筆。非。表。文。不。以。絲。而。斷。也。子

謝

字越石山人少以雄豪著名與祖秋爲友聞秋

被用與親故書曰吾枕戈待旦志梟逆虜常恐

祖生先

吾著鞭

謝都督疏 愍帝卽位拜大將軍都督并州諸軍事加散騎常侍假節琨上疏謝

陛下畧臣大愆錄臣小善猥蒙天恩光授殊寵願以
蟬冕之榮崇以上將之位伏省詔書五情飛越臣聞
晉文以卻縠爲元帥而定霸功高祖以韓信爲大將
而成王業咸有敦詩閱禮之德戎昭果毅之威故能
振豐功于荆南拓洪基于河北況臣凡陋擬蹤前哲
俯懼折鼎慮在覆餗昔曹洙三北而收功于柯盟馮

異垂翅而奮翼于澠池。皆能因敗爲成。以功補過。陛下宥過之恩已隆。而臣自新之善不立。臣雖不逮。預聞前訓。恭讓之節。臣猶庶幾。所以冒承寵命者。實欲沒身報國。輒死自效。要以致命寇場。盡其臣節。至于寵榮之施。非言辭所謝。又謁者史蘭殿中中郎王春等繼至。奉詔。臣俯尋聖旨。伏紙飲淚。臣聞夷險流行。古今代有。靈厭皇德。曾未悔禍。蟻伏縱毒于神州。夷裔肆虐于上國。七廟闕禋祀之饗。百官喪羹飴之序。梓宮淪辱。山陵未兆。率土永慕。思同考妣。陛下龍安。

日茂。獻質彌光。升區宇于旣頽。崇社稷于已替。四海之內。肇有上下。九服之萌。復覩典制。伏惟陛下。蒙塵于外。越在秦郊。蒸嘗之敬。在心。桑梓之思。未克。臣備位歷年。才質駑下。丘山之釁。已彰。豪釐之效。未著。頃以時宜。權假位號。竟無殪戎之績。而有負乘之累。當肆刑書。以明黜陟。是以臣前表上聞。敢緣愚款。乞奉先朝之班。苟存偏師之職。赦其三敗之愆。收其一功之用。得騁志虜場。快意大逆。雖身膏野。莫無恨黃墟。陛下偏恩過隆。曲蒙擢拔。遂授上將。位兼常伯。征討

之務得從事宜。拜命驚惶。五情戰悸。懼于隕越。以爲
昔申胥不徇伯舉而成公壻之勲。伍員不從城
父而濟入郢之庸。臣雖頑凶。無覲古人。其于被堅執
銳。致身冠簪。所謂天地之施羣生。莫謝不勝。受恩至
深。謹拜表陳聞。

司空少爲賈謐二十四友。見寵趙倫。志節未有足
觀者。及五胡扇亂。二帝蒙塵。戮力中原。不遑宵處。
表䟽所發。聲淚俱行。又何壯也。先之以斲弛。卒納
忘其所可病者矣。

熊遠

字孝文豫章人有志尚
元帝作相列爲主簿

法律奏

元帝爲丞相朝廷草創議斷不循法律
人立異議高下無狀主簿熊遠奏時以
權宜從事
尚未能從

禮以崇善法以閑非故禮有常典法有常防人知惡而無邪心是以周建象魏之制漢創畫一之法故能闡弘大道以至刑厝律令之作猶來尚矣經賢智歷夷險隨時斟酌最爲周備自軍興以來法度陵替至于處事不用律令競作屬命人立異議曲適物情虧傷大例府立節度復不奉用臨事改制朝作夕改至

于主者不敢任法每輒關諮委之大官非爲政之體
若本曹處事不合法令監司當以法彈違不得動用
開塞以壞成事按法蓋麤術非妙道也矯割物情以
成法耳若每隨物情以改法制此爲以情壞法法之
不一是爲多門開人事之路廣私情之端非先王立
法之本意也凡爲駁議者若違律令節度當合經傳
及前比故事不得任情以破成法愚謂宜令錄事更
立條制諸立議者皆當引律令經傳不得直以情言
無所依準以虧舊典也若開塞隨宜權道制物此是

人。君。之。所。得。行。非。臣。子。所。宜。專。用。主。者。唯。當。徵。文。據。
法。以。事。爲。斷。耳。

修。德。設。官。

知。事。無。不。自。修。

人。之。化。之。年。在。于。正。人。倫。人。倫。之。政。存。乎。嚴。廉。經。序。
在。政。而。政。可。以。行。於。民。倫。於。民。倫。而。後。正。其。修。文。子。

不一地為客門關人事止於廣致清之端非死王正
歸之本意也凡為政者若違律令節度當合經書
及前代故事不得任情以破成法愚謂宜令錄事
悉以事為潤耳

人。每。步。須。得。示。非。至。千。須。宜。事。用。王。春。報。曾。辦。交。終。

王導

字茂弘覽之孫也元帝爲琅邪王與導素相親善導知天下已亂遂傾心推奉潛有興復之志帝亦雅相器重契同執友

修學校書

于時軍旅不息學校未修導上書

夫風化之本在于正人倫人倫之政存乎設庠序庠序設五教明德禮洽通彛倫攸敘而有耻且格父子兄弟夫婦長幼之序順而君臣之義固矣易所謂正家而天下定者也故聖王蒙以養正少而教之使化霑肌膚習以成性遷善遠罪而不自知行成德立然後裁之以位雖王之世子猶與國子齒使知道而後

貴其取才用士。咸先本之于學。故周禮卿大夫獻賢能之書于王。王拜而受之。所以尊道而貴士也。人知士之貴由道存。則退而修其身以及家。正其家以及鄉。學于鄉以登朝。反本復始。各求諸已。敦樸之業著。浮僞之競息。教使然也。故以之事君則忠。用之莅下則仁。孟軻所謂未有仁而遺其親。義而後其君者也。自項皇綱失統。頌聲不興。于今將二紀矣。傳曰。三年不爲禮。禮必壞。三年不爲樂。樂必崩。而況如此之久乎。先進忘揖讓之容。後生惟金鼓是聞。干戈日尋。俎

豆不設先王之道彌遠華僞之俗遂滋非所以端本
靖末之謂也。殿下以命世之資屬陽九之運禮樂征
伐翼成中興誠宜經綸稽古建明學業以訓後生漸
之教義使文武之道墜而復興俎豆之義幽而更彰
方今戎虜扇熾國耻未雪忠臣義夫所以扼腕拊心
苟禮儀膠固淳風漸著則化之所感者深而德之所
被者大使帝典闕而復補皇綱弛而更張獸心革面
饗饗檢情揖讓而服四夷緩帶而天下從得乎其道
豈難也哉。故有虞舞干戚而化三苗魯僖作泮宮而

服淮夷。桓文之霸。皆先教而後戰。今若聿遵前典。興復道教。擇朝之子弟。並入于學。選明博修禮之士。而爲之師。化成俗定。莫尚于所。

于時胡塵紛擾。江南草創。名位未正。百度未張。首以學較爲先。一生和業以是重乎。

王導

肉刑議

衛展爲廷尉上言古者肉刑事經前聖宜復古施行以隆太平之化詔內外通議

肉刑之典由來尚矣肇自古先以及三代聖哲明王所未曾改也豈是漢文常主所能易者乎時蕭曹已沒絳灌之徒不能正其義逮班固深論其事以爲外有輕刑之名內實殺人又死刑太重生刑太輕生刑輕于上死刑怨于下輕重失當故刑政不中也且原先王之造刑也非以過怒也非以殘人也所以救姦

所以當罪。今盜者竊人之財，淫者好人之色，亡者避
叛之役，皆無殺害也，則刑之以刑，刑之則止，而加之
斬戮，戮過其罪，死不可生，縱虐于此，歲以臣計，此廼
仁人君子所不忍聞，而况行之于政乎？若乃惑其名
而不練其實，惡其生而趣其死，此畏水投舟，避坎蹈
井，愚夫之不若，何取于政哉？今夫晉中興，遵復古典，
率由舊章，起千載之滯義，拯百殘之遺黎，使皇典廢
而復存，黔首死而更生，至義暢于三代之際，遺風播
乎百世之後，生肉枯骨，惠侔造化，豈不休哉？惑者乃

曰死猶不懲而況于刑然人者冥也其至愚矣雖加
斬戮忽爲灰土死事日往生欲日存未以爲改若刑
諸市朝朝夕鑒戒刑者詠爲惡之永痛惡者覩殘刑
之長廢故足懼也然後知先王之輕刑以御物顯誠
以懲愚其理遠矣

刑家之言猶自清遠絕勝

卷之八

之其刻刻以歸也然餘味長王之雖以喻世
謂市得傳父望無所肯為惡之永無惡者所
海海為為列之我事日終生為日終未以
日永辭不惡而民之無然人者實也其至愚矣

亮字元規明穆皇后之兄也美姿容善談論好老莊風格整峻動繇禮節元帝鎮東聞其名辟西

曹

掾

讓中書監書

明帝卽位以爲中書監亮上書讓

臣凡庸固陋少無殊操昔以中州多故舊邦喪亂隨侍先臣遠庇有道爰容逃難求食而已不悟微特之福遭遇嘉運先帝龍興垂異常之顧旣眷同國士又申以婚姻遂階親寵累忝非服弱冠濯纓沐浴芳風頻煩省闈出總六軍十餘年間位超先達無勞受遇無與臣比小人祿薄福過災生止足之分臣所宜守

而偷榮昧進，日爾一日，謗讟旣集，上廋聖朝，始欲自聞，而先帝登遐，區區微誠，竟未上達。陛下踐阼，聖政惟新，宰輔賢明，庶僚咸允，康哉之歌，實存于至公，而國恩不已，復以臣領中書，臣領中書，則示天下以私矣。何者？臣于陛下，后之兄也，姻婭之嫌，與骨肉中表不同。雖太上至公，聖德無私，然世之喪道，有自來矣。悠悠六合，皆私其姻，人皆有私，則天下無公矣。是以前後二漢，咸以抑后黨安，進婚族危。向使西京七族，東京六姓，皆非姻族，各以平進，縱不悉全，決不盡敗。

今之盡敗更由姻昵。臣歷觀庶姓在世無黨于朝。無
役于時。植根之本輕也。苟無大瑕。猶或見容。至于外
戚。憑託天地。連勢四時。根援扶疏。重矣大矣。而或居
權寵四海側目。事有不允。罪不容誅。身既招殃。國爲
之弊。其故何邪。由姻媾之私。羣情之所不能免。是以
疏附則信。姻進則疑。疑積于百姓之心。則禍成于重
閭之內矣。此皆往代成鑒。可謂寒心者也。夫萬物之
所不通。聖賢因而不奪。舅親以求一寸之用。未若防
嫌以明至公。今以臣之才。兼如此之嫌。兩使內處心

齊外總兵權。以此求治。未之聞也。以此招禍。可立待也。雖陛下二相。明其愚款。朝士百僚。頗識其情。天下之人。安可門到戶說。使皆坦然邪。夫富貴榮寵。臣所不能忘也。刑罰忿賤。臣所不能甘也。今恭命則愈違。命則苦。臣雖不達。何事背時違上。自貽患責邪。實仰覽殷鑒。量已知弊。身不足惜。爲國取悔。是以慙慙。屢陳丹款。而微誠淺薄。未垂察諒。憂惶屏營。不知所措。願陛下垂天地之鑒。察臣之愚。則臣雖死之日。猶生之年矣。

清思藻筆殊絕當時

新思錄筆和野南軒

蔡謨

字道明陳留人避亂渡江遷太常領秘書監

遣使設樂議

成帝臨軒遣使拜太傅太尉司空儀注太樂府懸于殿庭門下奏非

祭祀宴享無設樂之制太常蔡謨議

凡敬其事則備其禮。禮備則制有樂。樂者所以敬事而明義爲耳目之娛。故冠亦用之。不惟宴饗宴饗之有樂。亦所以敬頌也。故郤至使楚楚子饗之。郤至辭曰。不忘先君之好。貺之以大禮。重之以備樂。尋斯辭也。則宴樂之意可知矣。公侯大臣。人君所重。故御坐爲起。在輿爲下。言稱伯舅。傳曰。國卿君之貳也。是以

命使之日。御親臨軒。百僚陪列。此卽敬事之意也。古者天王饗下國之使。及命將帥。遣使臣皆有樂。故詩序曰。皇皇者華。君遣使臣也。又曰。採薇以遣之。出車以勞還杖。杜以勤歸。皆作樂而歌之。今命大使拜輔。相比于下國之臣。輕重殊矣。輕誠有之。重亦宜然。故謂臨軒遣使。宜有金石之樂。

晉書 雜著

顧在觀觀生

嘉禾黃孟瀾觀止

雲間

許清胤介夫輯評

顧之萃宗之叅評

句章陳 裕廣生

陳 祐天生

阮籍

字嗣宗陳畱人志氣宏放任性不羈或閉戶窺書累月不出或登臨山水經日忘歸好老莊嗜酒能嘯善彈琴時人多謂之癡

奏記蔣濟

太尉蔣濟聞其有雋才而辟之籍詣都亭奏記

伏惟明公以合一之德據上台之位英豪翹首俊賢抗足開府之日人人自己爲掾屬辟書始下而下走

爲首昔子夏在于西河之上而文侯擁篲鄒子處于
黍谷之陰而昭王陪乘夫布衣韋帶之士孤居特立
王公大人所以禮下之者爲道存也今籍無鄒卜之
道而有其陋猥見採擇無以稱當方將耕于東臯之
陽輸黍稷之餘稅負薪疲病足力不彊補吏之召非
所克堪乞迴謬恩以光清舉

此與稽叔夜絕山巨源同一識趣言有詳畧知與
不知之異耳然則嗣宗口不臧否直是眼底無人
都置不道豈曰謹默哉

稽康

與山濤告絕書

濤將去選官舉康自代
康乃與濤書告絕

聞足下欲以吾自代，雖事不行，知足下故不知之也。恐足下羞庖人之獨割，引尸祝以自助，故爲足下陳其可不。老子、莊周，吾之師也。親居賤職，標下惠東方朔，達人也。安乎卑位，吾豈敢短之哉？又仲尼兼愛，不羞執鞭。子文無欲卿相，而三爲令尹，是乃君子思濟物之意也。所謂達能兼善而不渝，窮則自得而無悶，以此觀之，故知堯舜之居世，許由之巖棲，子房之佐

漢接輿之行歌其揆一也。仰瞻數君可謂能遂其志者也。故君子百行殊塗同致。循性而動各附所安。故有處朝廷而不出。入山林而不反之論。且延陵高子臧之風。長卿慕相如之節。意氣所先亦不可奪也。吾每讀尚子平臺孝威傳。慨然慕之。想其爲人。加少孤露。母兄驕恣。不涉經學。又讀老莊。重增其放。故使榮進之心。日頽任逸之情。轉篤阮嗣宗口不論人過。吾每師之。而未能及。至性過人。與物無傷。惟飲酒過差耳。至爲禮法之士所繩。疾之如仇讐。幸賴大將軍保

持之耳。吾以不如嗣宗之資而有慢弛之闕。又不識物情。闇于機宜。無萬石之慎。而有好盡之累。久與事接。疵釁日興。雖欲無患。其可得乎。又聞道士遺言。餌木黃精。令人久壽。意甚信之。游山澤。觀魚鳥。心甚樂之。一行作吏。此事便廢。安能舍其所樂而從其所懼哉。夫人之相知。貴識其天性。因而濟之。禹不逼伯成子高。全其長也。仲尼不假蓋于子夏。護其短也。近諸葛孔明。不迫元直。以入蜀。華子魚不疆幼安。以卿相此。可謂能相終始。真相知者也。自卜已審。若道盡塗。

碑則已耳。足下無事。寬之。令轉于溝壑也。吾新失母。兄之歡意。常淒切。女年十三。男年八歲。未及成人。况復多疾。故此恨恨。如何可言。今但欲守陋巷。教養子孫。時時與親舊敘離闊。陳說平生。濁酒一盃。彈琴一曲。志意畢矣。豈可見黃門而稱貞哉。若趣欲共登王塗。期于相致。時爲懽益。一旦迫之。必發狂疾。自非重讐。不至此也。旣以解足下。并以爲別。

原書尚多踈慢野率。足想其氣可見。詞章之滅沒于傳述者多矣。

夜譙國人有奇才土木形骸不自
節人以為龍章鳳姿天質自然

無私論

康以為君子
無私著其論

稱君子者心不措乎是非而行不違乎道者也。何
以言之。夫氣靜神虛者心不存于矜尚。體亮心達者
情不繫于所欲。矜尚不存乎心故能越名教而自任
自然情不繫于所欲故能審貴賤而通物情。物情順
通故大道無違越名任心故是非無惜也。是故言君
子則以無措為主以通物為美言小人則以匿情為
非以違道為闕何者匿情矜吝小人之至惡虛心無

措。君子之篤行也。是以大道言及吾無身。吾又何患。
無以生爲貴者。是賢于貴生也。由斯而言。夫至人之
周心。固不存有措矣。故曰。君子行道。忘其爲身。斯言
是矣。君子之行賢也。不察于有度而後行也。任心無
邪。不議于善而後正也。顯情無措。不論于是而後爲
也。是故微然忘賢。而賢與度會。忽然任心。而心與善
遇。儻然無措。而事與是俱也。

與山濤書稱非薄湯武。遂以見害。然則殺叔夜者。

山濤也。此論君子以自然爲主。已異乎矜名

者矣。
命論

孫楚

字子荆太原人才藻卓絕爽邁不群多所陵傲
缺鄉曲之譽年四十餘始參鎮東軍事

遺孫皓書

文帝遣符邵孫郁使吳將軍
石苞令楚作書遺孫皓

蓋見機而作。周易所貴。小不事大。春秋所誅。此乃吉
凶之萌兆。榮辱所由生也。是故許鄭以銜璧全國。曹
譚以無禮取滅。載籍既記其成敗。古今又著其愚智。
不復廣引譬類。崇飾浮辭。苟以夸大爲名。更喪忠告
之實。今粗論事要。以相覺悟。昔炎精幽昧。歷數將終。
桓靈失德。災釁並興。付狼抗爪牙之毒。生靈罹塗炭
之難。由是九州絕貫。王綱解紐。四海蕭條。非復漢有。

太祖承運神武應期。征討暴亂。克寧區夏。協建靈符。
天命既集。遂廓洪基。奄有魏域。土則神州。中嶽器則
九鼎猶存。世載淑美。重光相襲。故知四隩之攸同。帝
者之壯觀也。昔公孫氏承藉父兄。世居東裔。擁帶燕
胡。憑陵險遠。講武游盤。不供職貢。內傲帝命。外通南
國。乘桴滄海。交酬貨賄。葛越布于朔上。豹馬延于吳
書。自以控弦十萬。奔走之力。信能右折燕齊。左震扶
桑。輜轢沙漠。南面稱王。宣王薄伐。猛銳長驅。師次遼
陽。而城池不守。抱鼓蹙鳴。而元凶折首。于是遠近疆

場列郡大荒。收離聚散。大安其居。衆庶悅服。殊俗款
附。自茲以降。九野清泰。東夷獻其樂器。肅慎貢其楛
矢。曠世不羈。應化而至。巍巍蕩蕩。想所具聞也。吳之
先祖。起自荆楚。遭時擾攘。潛播江表。劉備震懼。亦逃
巴岷。遂因山陵。積石之固。三江五湖。浩汗無涯。假氣
游魂。迄茲四紀。兩邦合從。東西唱和。互相扇動。距捍
中國。自謂三分鼎足之勢。可與太山共相終始也。相
國晉王。輔相帝室。文武桓桓。志厲秋霜。廟勝之算。應
變無窮。獨見之鑒。與衆絕慮。主上欽明。委以萬機。長

轡遠御。妙畧潛授。偏師同心。上下用力。凌威奮伐。罕
入其阻。并敵一向。奪其膽氣。小戰江由。則成都自潰。
曜兵劍閣。則姜維面縛。開地六千。領郡三十。兵不踰
時。梁益肅清。使竊號之雄。稽顙絳闕。球琳重錦。充于
府庫。夫韓并魏。徙號滅虞。亡此皆前鑒。後事之表。又
南中呂興。深覩天命。蟬蛻內附。願爲臣妾。外失輔車。
唇齒之援。內有羽毛零落之漸。而徘徊危國。冀延日
月。此由魏武侯却指山河。自以爲彊。殊不知物有興
亡。則所美非其地也。方今百僚濟濟。儁乂盈朝。武臣

猛將折衝萬里。國富兵彊。六軍精練。思復翰飛。飲馬南海。自頃國家整修器械。興造舟楫。簡習水戰。樓船萬艘。千里相望。剡木已來。舟車之用。未有如今之殷盛者也。驍勇百萬。畜力待時。役不再舉。今日之師也。然主相眷眷。未便電發者。猶以爲愛人治國。道家所尚。崇城遂卑。文王退舍。故先開大信。喻以存亡。殷勤之指。徃使所寃也。若能審識安危。自求多福。蹶然改容。祇承徃錫。追慕南越。嬰齊入侍。北面稱臣。伏聽告策。則世祚江表。永爲魏藩。豐功顯報。隆于今日矣。若

猶侮慢。未順王命。然後謀力雲合。指麾從風。雍梁二
州。順流而東。青徐戰士。列江而西。荆揚兗豫。爭驅入
衝。征東甲卒。武步秣陵。爾乃王輿整駕。六戎徐征。羽
校燭日。旌旗星流。龍游曜路。歌吹盈耳。士卒奔邁。其
會如林。煙塵俱起。震天駭地。渴賞之士。鋒鏑爭先。忽
然一旦。身首橫分。宗祀淪覆。取戒萬世。引領南望。良
助寒心。夫瘡膏肓之疾者。必進苦口之藥。決狐疑之
慮者。亦告逆耳之言。如其猶豫迷而不反。恐俞附見
其已死。扁鵲知其無功矣。勉思良圖。惟所去就。

與陳琳檄豫州同一巨麗

與刺栲欒結伴同一日臘

傳咸

字長虞剛簡有大節疾惡如讐顧榮曰傳長虞爲司隸刻校驚人

致汝南王書

楊駿誅大宰汝南王亮輔政咸遷御史中丞

咸以爲太甲成王年在蒙幼故有伊周之事聖人且猶不免疑况臣既不聖王非孺子而可以行伊周之事乎上在諒闇聽于冢宰而楊駿無狀便作伊周自爲居天下之安所以至死其罪旣不可勝亦是殿下所見駿之見討發自天聰孟觀李肇與知密旨耳至于論功當歸美于上觀等已數千戶縣侯聖上以駿死莫不欣悅故論功寧厚以敘其歡心此羣下所宜

以實裁量而遂扇動東安封王孟李郡公餘侯伯子男既妄有加復又三等超遷此之熏赫震動天地自古以來封賞未有若此者也無功而厚賞莫不樂國有禍禍起當復有大功也人而樂禍其可極乎作此者皆由東安公謂殿下至止當有以正之正之以道衆亦何所怒乎衆之所怒在于不平耳而今皆更倍論莫不失望咸之愚冗不惟失望而已竊以爲憂又討駿之時殿下在外實所不綜今欲委重故令殿下論功論功之事實未易可處莫若坐觀得失有居正

之事宜也。

如此抗直可稱世司隸矣

事亦何所然乎。學之所惑在丁。不平。而今皆之。而
其莫不。失其成之。思。然。不。惟。失。望。而。已。誠。以。勢。變。其
收。出。於。直。下。縣。州。同。縣。宋。今。故。吏。重。故。金。屋。中
之。事。宜。也。

李虞

致齊王罔箋

倫秀伏誅齊王罔輔政
虞致箋于罔理張華

問于張華。後入中書省。得華先帝時答詔本草。先
帝問華可以輔政持重。付以後事者。華答明德至親。
莫如先王。宜留以爲社稷之鎮。其忠良之謀。款誠之
言。信于幽冥。沒而後彰。與苟且隨時者。不可同世。而
論也。議者有責華以愍懷太子之事。不抗節廷爭。當
此之時。諫者必得違命之死。先聖之教。死而無益者。
不以責人。故晏嬰齊之正卿。不死崔杼之難。季扎吳

之宗臣不爭逆順之理。理盡而無所施者。固聖教之所不責也。

議論通達。恰開却多少方便門矣。

初至

字景真代郡人年十四遇稽康于太學徘徊視之不能去

與稽蕃書

至將適遼西占戶初至與康兄子蕃善及將遠適乃與蕃書敘離并陳其志

昔李叟入秦及關而歎梁生適越登嶽長謠夫以嘉
遁之舉猶懷戀恨況乎不得已者哉惟別之後離羣
獨遊背榮譙辭倫好經迥路造沙漠鷄鳴戒旦別飄
爾晨征日薄西山則馬首靡託尋歷曲阻則沉思行
結登高遠眺則山川攸隔或乃迴風狂厲白日寢光
徙倚交錯陵隰相望徘徊九臯之內慷慨重阜之顛

進無所由，退無所據。涉澤求蹊，披榛覓路。嘯詠清渠，良不可度。斯亦行路之艱難，然非吾之心所懼也。至若蘭芷傾頓，桂林移殖，根萌未樹，而牙淺弦急，每恐風波潛駭，危機密發。此所以怵惕于長衢也。又北土之性，難以託根。投人夜光，鮮不按劍。今將殖橘柚于玄朔，營華藕于修陵，表龍章于棘壤，奏韶武于輦俗。固難以取貴矣。夫物不我貴，則莫之與；莫之與，則傷之者至矣。飄飄遠游之士，託身無人之鄉，總轡遐路，則有前言之難。懸鞍陋宇，則有後慮之戒。朝霞啓暉。

則身疲而適征，太陽戢曜，則情飭而夕惕。肆目平隰，則寥廓而無覩；極聽修原，則掩寂而無聞。吁其悲矣！心傷瘁矣，然後知步驟之士不足爲貴也。顧景中原，憤氣雲踊，哀物悼世，激情風厲。龍嘯大野，獸睇六合；猛志紛紜，雄心四據。思攝雲梯，橫奮八極；披艱掃穢，蕩海夷嶽。蹴崑崙使西倒，蹋太山令東覆；平滌九區，恢維宇宙。斯吾之鄙願也，時不我與，垂翼遠逝，鋒距靡加。六翮摧屈，自非知命，孰能不憤悵者哉！吾子殖根芳苑，濯秀清流；晞葉華崖，飛藻雲肆；俯據潛龍之

渚仰陰游鳳之林，榮曜眩其前，豔色餌其後，良疇交
其左，聲名馳其右，翱翔倫黨之間，弄姿帷房之裏，從
容顧眄，綽有餘裕，俯仰吟嘯，自以爲得志矣，豈能與
吾曹同大丈夫之憂樂哉，去矣嵇生，遠離隔矣，笑笑
飄寄臨沙漠矣，悠悠三千路難涉矣，攜手之期，邈無
日矣，思心彌結，誰云釋矣，無金玉爾音，而有遐心，身
雖胡越，意存斷金，各敬爾儀，敦履璞沉，繁華流蕩，君
子弗欽，臨紙意結，知復何云。

始康語至頭小而銳，童子分明有白氣之風，流落

不偶播蕩無所觀其此志直有生吞司馬之氣

虞溥

字允源高平人專心文籍

招學移告

溥除鄱陽內史大修庠序廣招學徒移告屬縣

學所以定情理性而積衆善者也。情定于內而行成于外。積善于心而名顯于教。故中人之性隨教而移。善積則習與性成。唐虞之時皆比屋而可封。及其廢也而云可誅。豈非化以成俗教移人心者哉。自漢氏失御天下分崩江表寇隔久替王教庠序之訓廢而莫修。今四海一統萬里同軌熙熙兆庶咸休息乎太和之中宜崇尚道素廣開學業以讚協時雍光揚盛

化乃具爲條制。于是至者七百餘人。溥乃作誥以獎訓之。曰。文學諸生。皆冠帶之流。年盛志美。始涉學庭。講修典訓。此大成之業。立德之基也。夫聖人之道。淡而寡味。故始學者不好也。及至朞月。所觀彌博。所習彌多。日聞所不聞。日見所不見。然後心開意朗。敬業樂群。忽然不覺大化之陶已。至道之入神也。故學之染人。甚于丹青。丹青吾見其久而渝矣。未見久學而渝者也。夫工人之染。先修其質。後事其色。質修色積。而染工畢矣。學亦有質。孝悌忠信是也。君子內正其

心外修其行。行有餘力。則以學文。文質彬彬。然後爲德。夫學者不患才不及。而患志不立。故曰。希驥之馬。亦驥之乘。希顏之徒。亦顏之倫也。又曰。剡而舍之。朽木不知。剡而不舍。金石可虧。斯非其效乎。今諸生口誦聖人之典。體閒庠序之訓。比及三年。可以小成。而令名宣流。雅譽日新。朋友欽而樂之。朝士敬而歎之。于是州府交命。擇官而仕。不亦美乎。若乃舍章舒藻。揮翰流離。稱述世務。探頤究竒。使楊班韜筆。仲舒結舌。亦惟才所居。固無常人也。然積一勺以成江河。累

微塵以崇峻極。匪志匪勤。理無由濟也。諸生若絕人
間之務。心專親學。累一以貫之。積漸以進之。則亦或
遲或速。或先或後耳。何滯而不通。何遠而不至邪。
晉文簡遠。頗傷幽澁。此忽夷曠。

溫嶠

字太真性聰敏有識量博學能文風儀秀整美于談論見者愛之爲劉琨將命江左其母固止

之嶠絕

裾而去

移告征鎮

蘇峻反嶠移告四方征鎮

賊臣祖約蘇峻同惡相濟用生邪心天奪其魄死期
將至譴負天地自絕人倫冠不可縱宜增軍討撲輒
屯次湓口卽日護軍庾亮至宣太后詔宮逼宮城王
旅撓敗出告藩臣謀寧社稷後將軍郭默冠軍將軍
趙胤奮武將軍龔保與嶠督護王愆期西陽太守鄧
嶽鄱陽內史紀瞻率其所領相尋而至逆賊肆凶陵

蹈宗廟火，延宮掖，矢流太極，二御幽逼，宰相困迫，殘
虐朝士，刳辱子女，承問悲惶，精魂飛散，嶠闇弱不武，
不能殉難，哀恨自咎，五情摧隕，慙負先帝託寄之重，
義在畢力，死而後已。今躬率所統，爲士率先，催進諸
軍，一時電擊，西陽太守鄧嶽、尋陽太守褚誕等，連旗
相繼，宣城內史桓彝已勒所屬，屯濱江之要，江夏相
周撫乃心求征，軍已向路。昔包胥楚國之微臣，重趼
致誠，義感諸侯，藺相如趙邦之陪隸，耻君之辱，按劍
秦庭。皇漢之季，董卓作亂，刳遷獻帝，虐害忠良，關東

州郡相率同盟。廣陵功曹臧洪。郡之小吏耳。登壇啼血。涕淚橫流。慷慨之節。實厲群后。況今居台鼎。據方州。列名邦。受國恩者哉。不期而會。不謀而同。不亦宜乎。二賊合衆。不盈五千。且外畏胡寇。城內饑乏。後將軍郭默。卽與戰陣。浮殺賊千人。賊今雖殘破都邑。其宿衛兵人。卽時出散。不爲賊用。且祖約情性褊陋。忌剋不仁。蘇峻小子。惟利是視。殘酷驕猜。權相假合。江表興義。以抗其前。彊胡外寇。以躡其後。運漕隔絕。資食空懸。內乏外孤。勢何得久。群公征鎮。職在禦侮。征

西陶公國之耆德忠肅義正勲庸弘著諸方鎮州郡
咸齊斷金同稟規畧以雪國耻苟利社稷死生以之
嶠雖怯劣忝據一方賴忠賢之規文武之助君子竭
誠小人盡力高操之士被褐而從戎負薪之徒匍匐
而赴命率其私僕致其私仗人士之誠竹帛不能載
也豈嶠無德而致之哉士稟義風人感皇澤且護軍
庾公帝之元舅德望隆重率郭後軍趙襲三將與嶠
戮力得有資憑且悲且慶若朝廷之不泯也其各明
率所統無後事機賞募之信明如日月有能斬約峻

者。封五等侯。賞布萬匹。夫忠爲令德。爲仁由已。萬里一契。義不在言也。

夾持陶侃再造江東。實維攸賴。失之于親。收之于君。足相補乎。

7

三

劉寔

字真平

原人少貧苦好學手約繩口誦讀博古清身潔已參文帝相國軍事累遷太傅

遜時
九十一

崇讓論

寔以世多進趣廉耻道闕乃著崇讓論以矯之

古之聖王之化天下所以貴讓者欲以出賢才息爭競也夫人情莫不欲已之賢也故勸令讓賢以自明賢也豈假讓不賢哉故讓道興賢能之人不求而自出矣至公之舉自立矣百官之副亦豫具矣一官缺擇衆官所讓最多者而用之審之道也在朝之士相讓于上草廬之人咸皆化之推賢讓能之風從此生

矣。爲一國所讓，則一國士也。天下所共推，則天下士也。推讓之風行，則賢與不肖灼然殊矣。此道之行在上者，無所用其心，因成清議，隨之而已。故曰：蕩蕩乎，堯之爲君，莫之能名。言天下自安矣，不見堯所以化之，故不能名也。又曰：舜禹之有天下而不與焉，無爲而化者，其舜也歟？賢人相讓于朝，大才之人恒在大官，小人不爭于野，天下無事矣。以賢才化無事，至道興矣。已仰其成，復何與焉？故可以歌南風之詩。彈五弦之琴也。成此功者，非有他，崇讓之所致耳。孔子曰：

能以禮讓爲國則不難也。在朝之人不務相讓久矣。天下化之。自魏代以來。登進辟命之士。及在職之吏。臨見受敘。雖自辭不能。終莫肯讓。有勝已者。夫推讓之風息。爭競之心生。孔子曰。上興讓。則下不爭。明讓不興。下必爭也。推讓之道興。則賢能之人。日見推舉。爭競之心生。則賢能之人。日見謗毀。夫爭者之欲自先。甚惡能者之先。不能無毀也。故孔墨不能免世之謗已。況不及孔墨者乎。議者僉然言世少高明之才。朝廷不有大才之人。可以爲大官者。山澤人小官吏。

亦復云朝廷之士雖有大官名德皆不及往時人也。余以爲此二者皆失之矣。非時獨乏賢也。時不貴讓一人有先衆之譽毀必隨之名不得成使之然也。雖令稷契復存亦不復全其名矣。能否混雜優劣不分士無素定之價官職有缺主選之吏不知所用但案官次而舉之同才之人先用者非勢家之子則必爲有勢者之所念也。非能獨賢因其先用之資而復遷之無已。遷之無已不勝其任之病發矣。觀在官之人政績無聞自非勢家之子率多因資次而進也。向令

天下貴讓士必由于見讓而後名成名成而官乃得用之諸名行不立之人在官無政績之稱讓之者必少矣官無因得而用之也所以見用不息者由讓道廢因資用人之有失久矣故自漢魏以來時開大舉令衆官各舉所知唯才所任不限階次如此者甚數矣其所舉必有當者不聞時有擢用不知何誰最賢故也所舉必有不當而罪不加不知何誰最不肖也所以不可得知由當時之人莫肯相推賢愚之名不別今其如此舉者知在上者察不能審故敢漫舉而

進之。或舉所言。因及所念。一頓而至。人數猥多。各言所舉者。賢加之高狀。相似如一。難得而分矣。叅錯相亂。真僞同貫。更復由此而甚。雖舉者不能盡忠之罪。亦由上開聽察之路。濫令其爾也。昔齊王好聽竽聲。必令三百人合吹。而後聽之。廩以數人之俸。南郭先生不知吹竽者也。以三百人合吹。可以容其不知。因請爲王吹竽。虛食數人之俸。嗣王覺而改之。難彰先王之過。乃下令曰。吾之好聞竽聲。有甚于先王。欲一列而聽之。先生于此逃矣。推賢之風不立。濫舉之

法不改則南郭先生之徒盈于朝矣。才高守道之士
目退馳走有勢之門日多矣。雖國有典刑弗能禁矣。
夫讓道不興之弊非徒賢人在下位不得時進也。國
之良臣荷重任者亦將以漸受罪退矣。何以知其然
也。孔子以爲顏氏之子不貳過耳。明非聖人皆有過
寵貴之地欲之者多矣。惡賢能者塞其路其過而毀
之者亦多矣。夫謗毀之生非徒空設必因人之微過
而甚之者也。毀謗之言數聞在上者雖欲弗納不能
不仗所聞因事之來而微察之也。無以其驗至矣。得

其驗安得不理其罪。若知而縱之。王之威日衰。令之
不行。自此始矣。知之皆理之。受罪退者稍多。大臣有
不自固之心。夫賢才不進。貴臣日疎。此有國者之深
憂也。詩曰。受祿不讓。至于已斯亡。不讓之人。憂亡不
暇。而望其益國朝。不亦難乎。竊以爲改此俗甚易耳。
何以知之。夫一時在官之人。雖雜有凡猥之才。其中
賢明者亦多矣。豈可謂皆不知讓賢爲貴邪。直以其
時皆不讓。習以成俗。故遂不爲耳。人臣初除。皆通表
上聞。名之謝章。所由來尚矣。原謝章之本意。欲進賢。

以謝國恩也。昔舜以禹爲司空，禹拜稽首，讓于稷、契及咎繇，使益爲虞官，讓于朱虎、熊羆，使伯夷典三禮，讓于夔、龍。唐虞之時，衆官初除，莫不皆讓也。謝章之義，蓋取于此。書記之者，欲以永世作則，季世所用，不賢不能讓賢，虛謝見用之恩而已。相承不變，習俗之失也。夫敘用之官，得通章表者，其讓賢推能乃通其不能有所讓，徒費簡紙者，皆絕不通。人臣初除，各思推賢能而讓之矣。讓之文付王者掌之，三司有缺，擇三司所讓最多者而用之。此爲一公缺，三公已豫

選之矣。且主選之吏。不必任公而選三公。不如令三公自共選一公爲詳也。四征缺。擇四征所讓最多者而用之。此爲一征缺。四征豫選之矣。必詳于停缺而令王者選四征也。尚書缺。擇尚書所讓最多者而用之。此爲八尚書共選一尚書。詳于臨缺。令王者選已尚書也。郡守缺。擇衆郡所讓最多者而用之。詳于任主者。令選百郡守也。夫以衆官百郡之讓。與主者共相比。不可同歲而論也。雖復令三府叅舉官。本不委以舉選之任。各不能以根其心也。其所用心者。裁之

不二三、但令之者、案官次二舉之、不用精也、賢愚皆讓百姓耳目、盡爲國耳目、夫人情爭則欲毀已、所不如讓則競推于勝已、故世爭則毀譽交錯、優劣不分、難得而讓也、時讓則賢智顯出、能否之美、歷歷相次、不可得而亂也、當此時也、能退身修已者、讓之者多矣、雖欲守貧賤、不可得也、馳騫進趣、而欲人見讓、猶卻行而求前也、夫如此、愚智咸知進身求通、非修之于已、則無由矣、游外求者、于此相隨而歸矣、浮聲虛論、不禁而自息矣、人人無所用其心、任衆人之議而

天下自化矣。不言之化行，巍巍之美，于此著矣。讓可
以致此，豈可不務之哉？春秋傳曰：范宣子之讓，其下
皆讓，樂厲雖汰，弗敢違也。晉國以平，數世賴之。上世
之化也，君子尚能而讓其下，小人力農以事其上，上
下有禮，讒慝遠黜，由不爭也。及其亂也，國家之弊，恒
必由之。篤論了了如此，在朝君子，典選大官，能不以
人廢言，舉而行之，各以讓賢舉能爲先務，則羣才猥
出，能否殊別，蓋世之功，莫大于此。

使人各匿其本情，徇其所私，則矯僞之風熾，黨援

潘尼

字正叔岳從子少有清才與岳俱以文章見知
靜退不競惟以勤學著述爲事元康初拜太子

舍人

安身論

蓋崇德莫大乎安身安身莫尚乎存正存正莫重乎
無私無私莫深乎寡欲是以君子安其身而後動易
其心而後語定其交而後求篤其志而後行然則動
者吉凶之端也語者榮辱之主也求者利病之幾也
行者安危之決也故君子不妄動也動必適其道不
徒語也語必經于理不苟求也求必造于義不虛行

也行必由于正。夫然用能免。或繫之囚。享自天之祐。
故身不安。則殆言不從。則悖。交不審。則惑。行不篤。則
危。四者行乎中。則患憂接于外矣。憂患之接。必生于
自私。而興于有欲。自私者不能成其私。有欲者不能
濟其欲。理之至也。欲苟不濟。能無爭乎。私苟不從。能
無伐乎。人人自私。家家有欲。衆欲並爭。羣私交伐。爭
則亂之萌也。伐則怨之府也。怨亂旣構。危害及之。得
不懼乎。然棄本要末之徒。知進忘退之士。莫不飾才
競志。抽鋒擢穎。傾則乎勢利之交。馳騁乎當塗之務。

朝有彈冠之朋、野有結綬之友、黨與熾于前、榮名扇
其後、握權則赴者鱗集、失寵則散者瓦解、求利則託
刎頸之懽、爭路則構刻骨之隙、于是浮僞波騰、曲辯
雲沸、寒暑殊聲、朝夕異價、駑蹇希奔放之跡、鈐刀競
一割之用、至于愛惡相攻、與奪交戰、誹謗噂沓、毀譽
縱橫、君子務能、小人伐枝、風頽于上、俗弊于下、禍結
而恨爭也、不疆患至、而悔伐之未辯、大者傾國喪家、
次則覆身滅祀、其故何邪、豈不始于私欲、而終于爭
伐哉、君子則不然、知自私之害公也、故後外其身、知

有欲之傷德也。故遠絕榮利。知爭競之構災也。故犯而不校。知好伐之招遠也。故有功而不德。安身而不爲私。故身正則私全。慎言而不適欲。故言濟而欲從。定交而不求益。故交立而益厚。謹行而不求名。故行成而名美。止則立乎無私之域。行則由乎不爭之塗。必將通天下之理。而濟萬物之性。天下猶我。故與天下同其欲。已猶萬物。故與萬物同其利。夫能保其安者。非謂崇生生之厚。而耽逸豫之樂也。不忘危而已。有期進者。非謂窮貴寵之榮。而藉名位之重也。不忘

退而已。存其治者。非謂嚴刑政之威而明司察之禁也。不忘亂而已。故寢蓬室。隱陋巷。披短褐。茹藜藿。環堵而居。易衣而出。苟存乎道。非不安也。雖坐華殿。載文軒。服黼黻。御方丈。重門而處。成列而行。不得與之齊榮。用天時。分地利。甘布衣。安藪澤。沾體塗足。耕而後食。苟崇乎德。非不進也。雖居高位。饗重祿。執權衡。握機祕。功蓋當時。勢侔人主。不得與之比逸。遺意慮。沒才智。忘肝膽。棄形器。貌若無能。志若不及。苟正乎心。非不治也。雖繁計策。廣術藝。審刑名。峻法制。文辯

流離議論絕世、不得與之爭功、故安也者、安乎道者也、進也者、進乎德者也、治也者、治乎心者也、未有安身而不能保國家、進德而不能處富貴、治心而不能治萬物者也、然思危所以求安、慮退所以能進、懼亂所以保治、戒亡所以獲存也、若乃弱志虛心、曠神遠致、徙倚乎不拔之根、浮遠乎無垠之外、不自貴于物而物宗焉、不自重于人而人敬焉、可親而不可慢也、可尊而不可遠也、親之如不足、天下莫之能狎也、舉之如易勝、而當世莫之能困也、達則濟其道而不榮

也。窮則善其身而不悶也。用則立于上而非爭也。舍則藏于下而非讓也。夫榮之所不能動者。則辱之所不能加也。利之所不能勸者。則害之所不能嬰也。譽之所不能益者。則毀之所不能損也。今之學者。誠能釋自私之心。塞有欲之求。杜交爭之原。去矜伐之態。動則行乎至通之路。靜則入乎大順之門。泰則翔乎寥廓之宇。否則淪乎渾冥之泉。邪氣不能干其度。外物不能擾其神。哀樂不能盪其守。死生不能易其真。而以造化爲工匠。天地爲陶鈞。名位爲糟粕。勢利爲

埃塵治其內而不飾其外。求諸已而不假諸人。忠肅以奉上。愛敬以事親。可以御一體。可以牧萬民。可以處富貴。可以安賤貧。經盛衰而不改。則庶幾能安身矣。

志在安身。卒免趙倫之難。惜乎岳處同室。不聞良規也。

王坦之

字文度述子弱冠
郊超俱有重名

廢莊論

坦之非時俗放蕩不敦儒
術頗尚刑名著廢莊論

荀卿稱莊子蔽于天而不知人楊雄亦曰莊周放蕩
而不法何晏云鬻莊軀放玄虛而不周乎時變三賢
之言遠有當乎夫蜀構之唱唱虛而莫和無感之作
義偏而用寡動人由于兼忘應物在乎無心孔父非
不體遠以體遠故用近顏子豈不具德以德備故膺
教胡爲其然哉不獲已而然也夫自足者寡故理懸
于義農狗教者衆故義申于三代道心惟微人心惟

危吹萬不同孰知正是雖首陽之情三黜之智磨頂之甘落毛之愛枯槁之生負石之死格諸中庸未入乎道而况下斯者乎先王知人情之難肆懼違行以致訟悼司徹之貽悔審褫帶之所緣故陶鑄羣生謀之未兆每攝其契而爲節焉使夫敦禮以崇化日用以成俗誠存而邪忘利損而競息成功遂事百姓皆曰我自然蓋善聞者無怪故所遇而無滯執道以離俗孰踰于不達語道而失其爲者非其道也辯德而有其位者非其德也言默所未究况揚之以爲風乎

且卽濠以尋魚。想彼之我同。推顯以求隱。理得而情
昧。若夫莊生者。望大庭而撫契。仰彌高于不足。寄積
想于三篇。恨我之懷未盡。其言詭譎。其義恢誕。君子
內應。從我于方之外。衆人因藉之。以爲弊薄之資。然
則天下之善人少。不善人多。莊子之利天下也少。害
天下也多。故曰魯酒薄而邯鄲圍。莊生作而風俗頹。
禮與浮雲俱征。僞與利蕩並肆。人以克己爲耻。士以
無惜爲通。時無履德之譽。俗有蹈義之愆。驟語賞罰。
不可以造次。屢稱無爲。不可以適變。雖可用于天下。

不足以用天下人。昔漢陰丈人修渾沌之術，孔子以爲識其一，不識其二。莊生之道，無乃類乎？與夫如愚之契，何殊間哉？若夫利而不害，天之道也；爲而不爭，聖之德也。羣方所資，而莫知誰氏；在儒而非儒，非道而自道，彌貫九流，玄同彼我，萬物用之而不旣，疊疊日新而不可朽。昔吾孔老固已言之矣。又領本州大中正簡，文帝臨崩詔大司馬溫依周公居攝故事，坦之自持詔入于帝前，毀之。帝曰：「天下儻來之運，卿何所嫌？」坦之曰：「天下宣元之天下，陛下何得專之？」帝乃使

坦之改詔焉。

老莊之弊西晉諸人覆國亡宗渡江以來遺風未
泯安石名言慘不廢樂此坦之所以發憤者也

世文類稿

王坦之

公謙論

坦之常與殷康子書論公謙之義康子及袁宏並有疑難坦之標章隨句一一申釋莫不厭服

夫天道以無私成名二儀以至公立德立德存乎至公故無親而非理成名在乎無私故在當而忘我此天地所以成功聖人所以濟化由斯論之公道體于自然故理泰而愈降謙義生于不足故時弊而義著故大禹咎繇稱功言惠而成功于彼血反范燮殿軍後入而全身于此從此觀之則兼公之義固以殊矣

夫物之所美已不可收。人之所貴我不可取。誠患人惡其上。衆不可蓋。故君子居之而每加損焉。隆名在于矯伐。而不在于期當。匿迹在于違顯。而不在于求。是于是謙光之義。與矜競而俱生。卑挹之義。與夸伐而並進。由親譽生于不足。未若不知之有餘。良藥效于瘳疾。未若無病之爲貴也。夫乾道確然示人易矣。坤道隤然示人簡矣。二象顯于萬物。兩德彰于羣生。豈矯枉過直而失其所哉。由此觀之。則大通之道。公坦于天地。謙伐之義。險巇于人事。今存公而廢謙。則

自伐者託至公以生嫌。自美者因存黨以致惑。此王
生所謂同貌而實異。不可不察者也。然理必有源。教
亦有主。苟探其根。則玄指自顯。若尋其末。弊無不至。
豈可以嫌似而疑至公。弊貪而忘于諒哉。

勞謙君子所吉。誦屈亦志士所耻。直道而行立身
之準。苟以僞爲爲惡。滋大謙恭下士王莽所以移
漢鼎也可不畏哉。

卷之六

七

豈可以殺外而殲至公。契貪而忘于請。

亦亦主其外。其外主其自。其自其外。其外其自。

主其外。其外主其自。其自其外。其外其自。

自其外。其外主其自。其自其外。其外其自。

韓伯

字康伯，潁川人。清和有思理，舅殷浩稱之曰康伯。能自標置，居然出塵之器，爲侍中。

辨謙論

王坦之著。公謙論，伯覽而美其辭，肯以爲是非。旣辨誰與正之，遂作辨謙以折

中

夫尋理辯疑，必先定其名分所存。所存旣明，則彼我之趣可得而詳也。夫謙之爲義，存乎降已者也。以高從卑，以賢同鄙，故謙名生焉。孤寡不穀，人之所惡，而侯王以自稱，降其貴者也。執御執射，衆之所賤，而君子以自目，降其賢者也。與夫山在地中之象，其致豈殊哉。捨此二者，而更求其義，雖南轅求冥，終莫近也。

夫有所貴故有降焉。夫有所美故有謙焉。譬影響之與形聲相與而立。道足者忘貴賤。而一賢愚體公者。乘理當而均。彼我降挹之義于何而生。則謙之爲美固不可以語至足之道。涉乎大方之家矣。然君子之行已必尚于至當。而必造乎匿善至理在乎無私。而動之于降已者何。誠由未能一觀于能鄙則貴賤之情立。非忘懷于彼我。則私已之累存。當其所貴在我。則矜值其所賢能之。則伐處貴非矜。而矜已者常有其貴。言善非伐。而伐善者驟稱其能。是以知矜貴之。

傷德者故宅心于卑素。悟驟稱之虧理者。故情存乎不言。情存于不言。則善斯匿矣。宅心于卑素。則貴斯降矣。夫所況君子之流。苟理有未盡。情有未夷。存我之理。未冥于內。豈不同心于降挹洗之所滯哉。體有而擬無者。聖人之德。有累而存理者。君子之情。雖所滯不同。其于遣之緣。有弊而用降已之道。由私我而存一也。故懲忿窒欲。著于損象。卑以自牧。實繫謙爻。皆所以存其所不足。拂其所有餘者也。王生之談。以至理無謙近得之矣。云人有爭心。善不可收。假後物

晉書
二
之迹以逃動者之患。以語聖賢則可。施之于下斯者。
豈惟逃患于外。亦所以洗心于內也。

晉人之言思玄不可卽抑亦理細不可入夫惟其
細所以爲玄

習鑿齒

字彥威襄陽人傳學洽聞以文筆著稱值温辟為從事以忤温旨左遷出為滎陽太守在

郡著漢

晉春秋

廢魏論

鑿齒疾歸襄陽臨終上疏謂晉宜越魏繼漢不宜以魏為三恪

或問魏武帝功蓋中夏文帝受禪于漢而吾子謂漢終有晉豈實理乎且魏之見廢晉道亦病晉之臣子寧可以同此言哉答曰此乃所以尊晉也但絕節赴曲非常耳所悲見殊心異雖奇莫察請為子言焉昔漢氏失御九州殘隔三國乘間鼎峙數世于戈日尋流血百載雖各有偏平而其實亂也宣皇帝勢逼當

年力制魏氏。螻屈從時。遂羈戎役。晦明掩耀。龍潛下位。挽眉重足。鞠躬屏息。道有不容之難。躬蹈履霜之險。可謂危矣。魏武旣亡。大難獲免。始南擒孟達。東蕩海隅。西抑勁蜀。旋撫諸夏。摧吳人入侵之鋒。埽曹爽見忌之黨。植靈根以跨中嶽。樹羣才以翼子弟。命世之志。旣恢。非常之業。亦固。景文繼之。靈武冠世。剋伐貳違。以定厥庸。席卷梁益。奄征西極。功格皇天。勲侔古烈。豐規顯祚。故以灼如也。至于武皇。遂并彊吳。混一字宙。又清四海。同軌二漢。除三國之大害。靜漢末。

之交爭、開九域之蒙晦、定千載之盛功者、皆司馬氏也。而推魏繼漢、以晉承魏、比義唐虞、自託純臣、豈不惜哉。今若以魏有代王之德、則其道不足、有靜亂之功、則孫劉鼎立、道不足、則不可謂制。當年當年、不制于魏、則魏未曾爲天下之主、王道不足于曹、則曹未始爲一日之王矣。昔共工伯有九州、秦政奄平區夏、鞭撻華戎、專總六合、猶不見序于帝王、淪沒于戰國、何況暫制數州之人、威行境內而已、便可推爲一代者乎。若以晉嘗事魏、懼傷皇德、拘惜禪名、謂不可割、

則惑之甚者也。何者？隗囂據隴，公孫帝蜀，蜀隴之人，雖服其役，取之大義于彼，何有？且吳楚僭號，周室未亡于文、延陵，不見貶絕。宣皇帝官魏，逼于性命，舉非擇木，何虧德美？禪代之義，不同堯舜，校實定名，必彰于後人，各有心事，胡可掩定？空虛之魏，以屈于已，孰若杖義而以貶魏哉？夫命世之人，正情遇物，假之際會，必兼義勇。宣皇祖考立功于漢，世篤爾勞，恩報亦深。魏武超越，志在傾主，德不素積，義險冰薄。宣帝與之情，將何重？雖形屈當年，意申百世，降心全已，憤慨。

于下、非道服北面有純臣之節、畢命曹氏忘濟世之
功者也、夫成業者係于所爲、不係所藉、立功者言其
所濟、不言所起、是故漢高稟命于懷王、劉氏乘斃于
亡秦、超二僞以遠嗣、不論近而計功、考五德于帝典、
不疑道于力政、季無承楚之號、漢有繼周之業、取之
旣美而已、德亦重故也、凡天下事、有可借喻于古、以
曉于今、定之往昔、而足爲來證者、當陽秋之時、吳楚
二國、皆僭號之王也、若使楚莊推鄢郢以尊有德、闔
閭舉三江以奉命世、命世之君、有德之主、或藉之以

應天或撫之而光宅彼必自係于周室不推吳楚以
爲代明矣况積勲累功靜亂寧衆數之所錄衆之所
與不資于燕噲之授不賴于因藉之力長轡廟堂吳
蜀兩斃運奇二紀而平定天下服魏武之所不能臣
蕩累葉之所不能除者哉自漢末鼎沸五六十季吳
魏犯順而強蜀人杖正而弱三家不能相一萬姓曠
而無主夫有定天下之大功爲天下之所推孰如見
推于閭人受尊于微弱配天而爲帝方駕于三代豈
比俛首于曹氏側足于不正節情而恒實取之而無

慙何與詭事而託僞開亂于將來者乎是故故舊之恩可封魏後三恪之數不宜見列以晉承漢功實顯然正名當事情體亦厭又何爲虛尊不正之魏而虧我道于大通哉昔周人詠祖宗之德追述翦商之功仲尼明大孝之道高稱配天之義然后稷勤于所職聿來未以翦商異于司馬氏仕乎曹族三祖之寓于魏世矣且夫魏自君之道不正則三祖臣魏之義未盡義未盡故假塗以運高畧道不正故君臣之節有殊然則弘道不以輔魏而無逆取之嫌高拱不勞汗

馬而有靜亂之功者、蓋勲足以王四海、義可以登天
位、雖我德慙于有周、而彼道異于殷商、故也、今子不
疑共工之不得列于帝王、不嫌漢之係周而不係秦
何至于一魏、猶疑滯而不化哉、夫欲尊其君而不知
推之于堯舜之道、欲重其國而反厝之于不勝之地、
豈君子之高義、若猶未悟、請于是止矣、

奇論驚聞前慙陳壽亦後來正統論之所繇發也

域班正朔于八荒、天下書同文、車同軌、牛馬被野、餘
糧委畝、改于時有天下無窮人之諺、雖太平未洽、亦
以明吏奉其法、民樂其生矣、武皇旣崩、山林未乾、而
楊駿被誅、毋后廢黜、尋以二公楚王之變、宗子無維
城之助、師尹無具瞻之貴、至乃易天子以太上之號、
而有免官之謠、民不見德、惟亂是聞、朝爲伊周、夕成
桀黷、善惡陷于成敗、毀譽齊于世利、內外混淆、廢官
夫才名實反錯、天綱解組、國政迭移于亂人、禁兵外
散于四方、方岳無鈞石之鎮、關門無結草之固、李辰

石冰傾之于荆楊。元海王彌撓之于青冀。戎羯稱制。二帝失尊。何哉。樹立失權。託付非才。四維不張。而苟且之政多也。夫作法于治。其弊猶亂。作法于亂。誰能救之。彼元海者。離石之將。兵都尉。王彌者。青州之散吏也。蓋皆弓馬之士。驅走之人。非有吳先王諸葛孔明之能也。新起之寇。烏合之衆。非吳蜀之敵也。脫未爲兵。裂裳爲旗。非戰國之器也。自下道上。非鄰國之勢也。然而擾天下如驅群羊。舉二都如拾遺芥。將相王侯。連頸以授戮。后嬪妃主。虜辱于戎卒。豈不哀哉。

天下大器也。羣生重畜也。愛惡相攻。利害相奪。其勢
常也。若積水于防。燎火于原。未嘗暫靜也。器大者不
可以小道治。勢重者不可以爭競擾。古先哲王知其
然也。是以扞其大患。禦其大災。百姓皆知上德之生
已而不謂浚已以生也。是以感而應之。悅而歸之。如
晨風之鬱北林。龍魚之趣藪澤也。然後設禮文以理
之。斷刑罰以威之。謹好惡以示之。審禍福以喻之。求
明察以官之。尊慈愛以固之。故衆知向方。皆樂其生
而哀其死。悅其教而安其俗。君子勤禮。小人盡力。廉

耻篤于家閭。邪僻消于胸懷。故其民有見危以授命。而不求生以害義。又况可奮臂大呼。聚之以千紀。作亂乎。基廣則難傾。根深則難拔。理節則不亂。膠結則不遷。是以昔之有天下者。之所以長久也。夫豈無僻主。賴道德典刑以維持之也。昔周之興也。后稷生于姜嫄。而天命昭顯。文武之功。起于后稷。至于公劉。遭夏人之亂。去邠之幽。身服厥勞。至于大王。爲戎翟所逼。而不忍百姓之命。杖策而去之。故從之如歸市。一年成邑。二年成都。三年五倍其初。至于王季。能貊其

德音至于文王而惟新其命。由此觀之。周家世積忠厚。仁及草木。內隆九族。外尊事黃者。以成其福祿者也。而其妃后躬行四教。尊敬師傳。服澣濯之衣。修煩辱之事。化天下以成婦道。是以漢濱之女。守潔白之志。中林之士。有純一之德。始于憂勤。終于逸樂。以三聖之知。伐獨夫之紂。猶正其名。教曰逆取順守。及周公遭變。陳后稷先公風化之所由。致王業之艱難者。則皆農夫女工衣食之事也。故自后稷文始基靖民。十五王而文始平之。十六王而武始居之。十八王而

康克安之。故其積基樹本。經緯禮俗。節理人情。恤隱民事。如此之纏綿也。今晉之興也。功烈于百王。事捷于三代。宣景遭多難之時。誅庶孽以便事。不及修公劉大王之仁也。受遺輔政。屢遇廢置。故齊王不明。不獲思庸于亳。高貴冲人。不得復子明辟也。二祖逼禪代之期。不暇待參分八百之會也。是其創基立本。異于先代者也。加以朝寡純德之人。鄉乏不貳之者。風俗淫僻。耻尚失所。學者以老莊爲宗。而黜六經。談者以虛蕩爲辨。而賤名簡。行身者以放濁爲通。而狹節

伯進士者以苟得爲貴而鄙居正當官者以塗空爲高而笑勤恪。是以劉訟屢言治道傳咸每糾邪正皆謂之俗吏。其倚杖虛曠依阿無心者皆名重海內。若夫文王日昃不暇食仲山甫夙夜匪懈者蓋共嗤黜以爲灰塵矣。由是毀譽亂于善惡之實情慝奔于貨欲之塗。選者爲人擇官官者爲身擇利而執鈞當軸之士身兼官以十數。大極其尊小錄其要而世族貴戚之子弟陵邁超越不拘資次悠悠風塵皆奔競之士。列官千百無讓賢之舉。子真著崇讓而莫之省。子

雅制九班而不得用。其婦女莊櫛織紵。皆取成于婢。僕未嘗知女工絲枲之業。中饋酒食之事也。先時而婚。任情而動。故皆不耻淫佚之過。不拘妬忌之惡。父兄不之罪也。天下莫知非也。又况責之聞四教于古。修貞順于今。以輔佐君子者哉。禮法刑政。于此大壞。如水斯積而決其隄防。如火斯畜而離其薪燎也。國之將亡。本必先顛。其此之謂乎。故觀阮藉之行。而覺禮教崩弛之所由也。察庾純賈充之爭。而見師尹之多僻。考平吳之功。而知將帥之不讓。思郭欽之謀。而

寤戎狄之有釁。覽傳玄劉毅之言。而得百官之邪核。
傳咸之奏。錢神之論。而覩寵賂之彰。民風國勢如此。
雖以中庸之主治之。辛有必見之于祭祀。季札必得
之于聲樂。范燮必爲之請死。賈誼必爲之痛哭。又况
我惠帝以放蕩之德臨之哉。懷帝承亂得位。羈于強
臣。愍帝奔播之後。徒廁其虛名。天下之政旣去。非命
世之雄才。不能取之矣。淳耀之烈未渝。故大命重集
于中宗皇帝。

以周喻晉淺劣。可知尋討亂原。摘發弊俗。可謂刻

肌流髓者矣

宗室

...

...

...

...

...

...

...

劉伶

字伯倫沛國人放情肆志常乘鹿車攜一壺酒使人荷鍤隨之曰死便埋我

酒德頌

有大人先生以天地爲一朝萬期爲須臾日月爲局
牖八荒爲庭衢行無轍迹居無室廬漠天席地縱意
所如止則操卮執觚動則挈榼提壺惟酒是務焉知
其餘有貴介公子搢紳處士聞吾風聲議其所以乃
奮袂攘襟怒目切齒陳說禮法是非鋒起先生于是
方捧甕承槽銜盃漱醪奮髯箕踞枕麴藉糟無思無
慮其樂陶陶兀然而醉悅爾而醒靜聽不聞雷霆之

聲熟視不睹泰山之形不覺寒暑之切肌利欲之感
情俯觀萬物擾擾焉若江海之載浮萍二豪侍側焉
如螺贏之與螟蛉

劉伯倫畢茂世阮嗣宗稽叔夜一時柳季

陸機

字士衡吳郡人祖遜父抗身長七尺其聲如雷少有異才文章冠世

豪士賦

齊王問矜功自伐受爵不讓機惡之作豪士賦以刺焉其序曰

夫立德之基有常而建功之路不一何則修心以爲量者存乎我因物以成務者係乎彼存乎我者隆殺止乎其域係乎彼者豐約惟所遭遇落葉俟微颺以隕而風之力蓋寡孟嘗遭雄門以泣而琴之感以末何哉欲隕之葉無所假烈風將墜之泣不足煩哀響也是故苟時啓于天理盡于人庸夫可以濟聖賢之功斗筭可以定烈士之業故曰才不半古功已倍之

序

序

一

蓋得之于時世也、歷觀今古、徼一時之功、而居伊周之位者、有矣、夫我之自我、智士猶嬰其累物之相物、昆蟲皆有此情、夫以自我之量、而挾非常之勲、神器暉其顧眄、萬物隨其俯仰、心玩居常之安、耳飽從諛之說、豈識乎功在身外、任出才表者哉、且好榮惡辱、有生之大期、忌盈害上、鬼神猶且不免、人主操其常柄、天下服其大節、故曰、天可讐乎、而時有絃服荷戟、立乎廟門之下、援旗誓衆、奮于阡陌之上、况乎世王制命、自下裁物者乎、廣樹恩、不足以敵怨、勤興利、不

足以補害。故曰：代大匠斲者必傷手。且夫政由寧氏，忠臣所以糠慨祭則寡人，人主所不久堪。是以君夷怏怏，不悅公旦之舉。高平師師，側目博陸之勢。而成王不遣嫌吝于懷，宣帝若負芒刺于背。非其然者歟？嗟乎！光于四表，德莫富焉。王曰：叔父親莫昵焉。登帝天位，功莫厚焉。守節沒齒，忠莫至焉。而傾則顛沛，僅而自全。則伊生抱明允以嬰戮，文子懷忠敬而齒劍，固其所也。因斯以言，夫以篤聖穆親如彼之懿，大德至忠如此之盛，尚不能取信于人主之懷，止謗于衆。

多之口、過此以往、惡覩其可、安危之理、斷可識矣、又
況乎饗大名以冒道家之忌、運短才而易聖哲所難
者哉、身危由于勢過、而不知去世以求安、禍積起于
寵盛、而不知辭寵以拓福、見百姓之謀已、則申宮禦
守、以崇不畜之威、懼萬方之不服、則嚴刑峻制、以賈
傷心之怨、然後威窮乎震主、而怨行乎上下、衆心日
陵、危機將發、而方偃仰瞪盱、謂足以夸世、笑古人之
未工、忘已事之已拙、知曩勲之可矜、闇成敗之有會、
是以事窮運盡、必于顛仆、風起塵合、而禍至常酷也、

聖人忌功名之過已。惡寵祿之踰量。蓋爲此也。夫惡
欲之大端。賢愚所共有。而遊子殉高位于生前。志士
思垂名于身後。受生之分。惟此而已。夫蓋世之業。名
莫盛焉。率意無違。欲莫順焉。借使伊人頗覽天道。知
盡不可益。盈難久持。超然自引。高揖而退。則巍巍之
盛。仰邈前賢。洋洋之風。俯觀來籍。而大欲不止于身。
至樂無愆乎舊節。彌效而德彌廣。身逾逸而名逾劭。
此之不爲。而彼之必昧。然後河海之迹。堙爲窮流。一
匱之釁。積成山嶽。名編凶頑之條。身厭荼毒之痛。豈

不謬哉、

士衡千古奇才生不遭世使吳亡之後閉門不出
以終積學之志入洛之後高揖而退以從彥先之
言繇前則爲亡國之忠臣繇後不失保身之哲士
矣豪士此序何其明于觀物暗于反躬也哉

陸機

五等論

機以聖王經國義在封建因採其遠措著五等論

夫體國經野先王所慎創制垂基思隆後業然而經畧不同長世異術五等之制始于黃唐郡縣之治創于秦漢得失成敗備在典謨是以其詳可得而言夫王者知帝業至重天下至廣廣不可以偏制重不可以獨任任重必于借力制廣終乎因人故設官分職所以輕其任也並建五長所以弘其制也于是乎立其封疆之典裁其親疏之宜使萬國相維以成盤石

之固宗庶雜居而定維成之業。又有以見綏世之長
御識人情之大方。知其爲人不如厚已。利物不如圖
身。安上在于悅下。爲已存乎利人。故易曰悅以使
人忘其勞。孫卿曰不利而利之不如利而後利之利
也是以分天下以厚樂。則已得與之同憂。嚮天下以
豐利而已得與之共害。利博而恩篤。樂遠以憂深。故
諸侯享食土之食。萬國受傳世之祚。夫然則南面之
君各務其政。九服之內知有定主。上之子愛。于是乎
生。下之禮信。于是乎結。世平足以敦風。道衰足以禦

暴故疆殺之國不能擅一時之勢。雄俊之人無所寄
霸王之制。然後國安。由萬邦之思化。主尊賴羣后之
圖身。譬猶衆目營方。則天綱自昶。四體辭難。而心膺
獲義。蓋三代所以直道。四王所以乘業也。夫盛衰隆
弊。理所固有。教之廢興。繫乎其人。原法期于必諒。明
道有時而闇。故世及之制。弊于彊禦。厚下之典。漏于
末折。侵弱之釁。邁自三季。陵夷之禍。終乎七雄。昔成
湯親照夏后之鑒。公旦目陟商人之戒。文質相濟。損
益有物。然五等之禮。不革于時。封畛之制。有隆爾者。

豈玩二王之禍而闇經世之算乎。固知百世非可懸
御。善制不能無弊。而侵弱之辱愈于殄祀土崩之困。
痛于陵夷也。是以經始獲其多福。慮終取其少禍。非
謂侯伯無可亂之符。郡縣非興化之具。故國憂賴其
釋位。主弱憑于翼戴。及承微積弊。王室遂卑。猶保名
位。祚垂後嗣。皇統幽而不輟。神器否而必存者。豈非
事勢使之然歟。降及亡秦。棄道任術。懲周之失。自矜
其得。尋斧始于所庇。制國昧于弱下。國慶獨饗其利。
主憂莫與共害。雖速亡趨亂。不必一道。顛沛之釁。實

由孤立是蓋思五等之小怨亡萬國之大德知陵夷
之可患閭土崩之爲痛也周之不競有自來矣國乏
令主十有餘世然片言勤王諸侯必應一朝振矜遠
國先叛故彊晉收其請隧之圖暴楚頓其觀鼎之志
豈劉項之能窺闕勝廣之敢號澤哉借使秦人因循
其制雖則無道有與共亡覆滅之禍豈在曩日漢矯
秦枉大啓王侯境土踰溢不遵舊典故賈生憂其危
晁錯痛其亂是以諸侯阻其國家之富憑其士庶之
力勢足者反疾土狹者逆遲六臣犯其弱綱七子衝

其漏網王祖夷于黔徒西京病于東帝是蓋過正之
災而非建侯之累也然呂氏之難朝士外顧宋昌策
漢必稱諸侯逮至中葉忌其失節割削宗子有名無
實天下曠然復襲亡秦之軌矣是以五侯作威不忌
萬國新都襲漢易于拾遺也先武中興纂隆皇統而
由遵覆車之遺轍養喪家之宿疾僅及數世姦宄充
斥卒有疆臣專朝則天下風靡一夫從衡而城池自
夷豈不危哉在周之衰難興王室放命者七臣于位
者三子嗣王委其九鼎凶族據其天邑征輦震于闔

宇鋒鏑流于絳闕、然禍止畿甸、害不覃及天下、晏然以安待危、是以宣王興于共和、襄惠振于晉鄭、豈若二漢階闥暫擾、而四海已沸、嬖臣朝入、九服夕亂哉、遠惟王莽篡逆之事、近覽董卓擅權之際、億兆悼心、愚智同痛、然周以之存、漢以之亡、夫何故哉、豈世乏曩時之臣、士無匡合之志歟、蓋遠績屈于時、異雄心挫于卑勢耳、故烈士扼腕終委寇讐之手、忠人變節、以助虐國之桀、雖復時有鳩合同志、以謀王室、然上非與主、下皆市人、師旅無先定之班、君臣無相保之

志是以義兵雲合、無救刦殺之禍、衆望未改而已。見大漢之滅矣。或以諸侯世位、不必常全、昏主暴君、有時比迹、故五等所以多亂。今之牧守、皆官方庸能、雖或失之、其得固多。故郡縣易以爲政。夫德之休明、黜陟日用、長率連屬、咸述其職、而淫昏之君、無所容過。何則、其不治哉。故先代有以興矣。苟或衰陵、百度自悖。鬻官之吏、以貨準才、則貪殘之萌、皆羣后也。安在其不亂哉。故後王有以之廢矣。且要而言之、五等之君、爲已思政。郡縣之長、爲吏圖物、何以徵之。蓋企及

進取仕子之常志。修己安人。良士所希及。夫進取之情。銳而安人之譽遲。是故侵百姓以利己者。在位所不憚。損實事以養名者。官長所夙慕也。君無卒歲之圖。臣挾一時之志。五等則不然。知國爲己土。衆皆我民。民安已受其利。國傷家嬰其病。故前人欲以垂後。後嗣思其堂構。爲上無苟且之心。羣下知膠固之義。使其並賢居政。則功有厚薄。兩愚處亂。則過有深淺。然則八代之制。幾可以一理貫。秦漢之典。殆可以一言蔽也。

子雅之疏入于幽遠士衡之論出爲秀麗二者之
長文無異尚然一再讀此好幽如我輩猶不能不
奪志于斯矣

清岳

字安仁，滎陽人。少才穎，鄉邑號爲奇童。美姿少時，常挾彈出洛陽，婦人過之者，投之以果滿

車而歸。

閑居賦序

岳性輕躁，仕宦不達，乃作閑居賦。

岳讀汲黯傳，至司馬安四至九卿，而良吏書之，題以巧宦之目，未嘗不慨然廢書而歎也。曰：嗟乎！巧誠有之，拙亦宜然。顧常以爲士之生也，非至聖無軌，微妙玄通者，則必立功立事，效當年之用，是以資忠履信，以進德，修辭立誠，以居業。僕少竊鄉曲之譽，忝司空太尉之命，所奉之主，卽太宰魯武公，其人也。舉秀才

爲郎逮事世祖武皇帝爲河陽懷令尚書郎廷尉許
今天子諒闇之際領太傅主薄府誅除名爲民俄而
復官除長安令遷博士未召拜親疾輒去官免自弱
冠涉于知命之年八徙官而一進階再免一除名一
不拜職遷者三而已矣雖通塞有遇抑亦拙之效也
昔通人和長輿之論余也固曰拙于用多稱多者吾
豈敢言拙則信而有徵方今俊乂在官百工惟時拙
者可以絕意乎寵榮之事矣太夫人在堂有羸老之
疾尚何能違膝下色養而屑屑從斗筲之役于是覽

王羲之

字逸少司徒導之從之以骨鯁稱善隸書爲古今之冠

蘭亭序

會稽有佳山水名士多居之羲之嘗與同志宴集于會稽山陰之蘭亭羲之自爲之序以申其志

永和九年歲在癸丑暮春之初會于會稽山陰之蘭亭修禊事也羣賢畢至少長咸集此地有崇山峻嶺茂林修竹又有清流激湍映帶左右引以爲流觴曲水列坐其次雖無絲竹管弦之盛一觴一咏亦足以暢敘幽情是日也天朗氣清惠風和暢仰觀宇宙之大俯察品類之盛所以游目騁懷足以極視聽之娛

信可樂也。夫人之相與。俯仰一世。或取諸懷抱。悟言一室之內。或因寄所託。放浪形骸之外。雖趣舍萬殊。靜躁不同。當其欣于所遇。暫得于已。快然自足。不知老之將至。及其所之既倦。情隨事遷。感慨係之矣。向之所欣。俛仰之間。已爲陳迹。猶不能以之興懷。况修短隨化。終期于盡。古人云。死生亦大矣。豈不痛哉。每覽昔人興感之由。若合一契。未嘗不臨文嗟悼。不能喻之于懷。固知一死生爲虛誕。齊彭殤爲妄作。後之視今。亦由今之視昔。悲夫。故列敘時人。錄其所述。雖

世殊事異。所以興懷。其致一也。後之覽者。亦將有感
于斯文。

昭明不載此序。以其在樂言哀。宜見訕于後代。有
識矣。

強矣

取則不難此京以其奇樂言哀宜見于終計言

于德交。

其意深矣。是以與對其輝一也。終之覽者亦深有感。

袁宏

字彥伯侍中猷孫有逸才文章絕美曾爲誅史詩是其風情所寄撰後漢紀三十卷

三國名臣頌序

夫百姓不能自牧故立君以治之明君不能獨治則爲臣以佐之然則三五迭隆歷代承基揖讓之與干戈文德之與武功莫不宗匠陶鈞而群才緝熙元首經畧而股肱肆力雖遭罹不同迹有優劣至于體分冥固道契不墜風美所扇訓革千載其揆一也故二八升而唐朝盛伊呂用而湯武寧三賢進而小白興五臣顯而重耳霸中古陵遲斯道替矣居上者不以


至公理物爲下者必以私路期榮御員者必以信誠
率衆執方者必以權謀自顯于是君臣離而名教蕩
世多亂而時不治故遽寧以之卷舒柳下以之三黜
接輿以之行歌魯連以之赴海衰世之中保持名節
君臣相體若合符契則燕昭樂毅古之流矣夫未遇
伯樂則千載無一驥時值龍顏則當年控三傑漢之
得賢于斯爲貴高祖雖不以道勝御物群下得盡其
忠蕭曹雖不以三代事主百姓不失其業靜亂庇人
抑亦其次夫時方顛沛則顯不如隱萬物思治則默

不如語是以古之君子不患弘道難、患遭時難、遭時匪難、遇君難、故有道無時、孟子所以咨嗟、有時無君、賈生所以垂泣、夫萬歲一期、有生之通塗、千載一遇、賢智之嘉會、遇之不能無欣喪之、何能無慨、古人之言信有情哉。余以暇日常覽國志、考其君臣比其行事、雖道謝先代亦異世一時也。文若懷獨見之照、而有救世之心、論時則人方塗炭、計能則莫出魏武、故委圖霸朝、孫謀世事、舉才不以標鑒、故人亡而後顯、籌畫不以要功、故事至而後定、雖亡身明順、識亦高。

矣。董卓之亂，神器遷逼，公達慨然，志在致命。由斯而
譚，故以大存明節。至如身爲漢隸，而跡入魏幕，源流
趣舍，抑亦文若之謂。所以存亡殊致，始終不同，將以
文若旣明，且哲名教有寄乎。夫仁義不可不明，則時
宗舉其致，生理不可不全，故達職攝其契，相與弘道，
豈不遠哉。崔生高朗，折而不撓，所以策名魏武，執笏
霸朝者，蓋以漢主當陽，魏后北面者哉。若乃一旦進
璽，君臣易位，則崔生所以不與魏氏，所以不容。夫江
湖所以濟舟，亦所以覆舟。仁義所以全身，亦所以亡。

身。然而先賢玉摧于前來。哲穰袂于後。豈天懷發中。
而名教束物者乎。孔明盤桓俟時而動。遐想管樂。遠
明風流。治國以禮。人無怨聲。刑罰不濫。沒有餘泣。雖
古之遺愛。何以加茲。及其臨終。顧託受遺。作相。劉后
授之。無疑心。武侯受之。無懼色。繼體納之。無貳情。百
姓信之。無異辭。君臣之際。良可詠矣。公瑾卓爾。逸志
不群。總角斷主。則素契于伯符。晚節罹奇。則三分于
赤壁。惜其齡促。志未可量。子布佐策。致延譽之美。輟
哭止哀。有翼戴之功。神情所涉。豈徒謇諤而已哉。然

杜門不用登壇受譏。夫一人之身。所照未異。而用舍之間。俄有不同。况沉跡溝壑。遇與不遇者乎。夫詩頌之作。有自來矣。或以吟詠情性。或以紀德顯功。雖大指同歸。所託或乖。若夫出處有道。名體不滯。風軌德音。爲世作範。不可廢也。復綴序所懷。以爲之贊。挾以感慨。風流迺長。當時給捷。曾無其偶。



止足之分。庶浮雲之志。築室種樹。逍遙自得。池沼足
以漁釣。春稅足以代耕。灌園鬻蔬。供朝夕之膳。牧羊
酤酪。俟伏臘之費。孝乎惟孝。友于兄弟。此亦拙者之
爲政也。乃作閒情賦。以歌事遂情焉。

入幕于克。拜厘于謚。竟以不達。岳之拙。所謂心勞
日拙者也。

人慕于文其聖于道意以不妄言之由我習之

爲題也凡外開靜趣以得事遊靜焉

酒酒新升細之費幸乎對幸文于兄弟此亦此者之

以新除春錄足以外持歡園園藏其陳文之韻外羊

土只之今無我雲之志樂室藝樹無我自靜此何足

